

Ro Mataana Kana Ta Paulus Ibeede Pizin Korin

¹⁻² Nio Paulus. Anutu itunu leleene mi iboobo yo, mi iur yo ma aŋwe ŋgoŋana ki Yesu Krisi. Ni-amru gaabaŋoŋ Sostenes ambeede ro tiŋgi ima piom wal ki kar Korin ta kombot lela lupŋana ki Anutu na. Niom wal ta kesekap la ki Yesu Krisi na, ni ikam yom ma kewe Anutu wal kini potomŋan kek. Mi Anutu iboobo yom be kewe ni lene kat mibe kakam mbulu potomŋana. Mi niom men som. Niomŋan karkari boozomen ta tizuŋzuŋ pa Merere kiti Yesu Krisi na. Pa Yesu Krisi, ni Biibi kizin, mi Biibi kiti tomini.✧

³ Tamanda Anutu mi Merere Yesu Krisi ko tikampe yom, mi timboro yom ma kombot ambai. Nonoono.

Paulus leleene ambai pa kampeŋana biibi ta ise kizin Korin

⁴ Gorgori na, nio leleŋ ambai pa Anutu mi aŋpakurkuri piom. Pa Yesu Krisi iwe zaala piom ma kampeŋana biibi ki Anutu ise tiom. ⁵ Niom kesekap la ki Krisi, tanata Anutu ikam yom ma karao kat pa koron matakiŋa. Ngar ma sua ma.✧ ⁶ Mi ina iswe kembei: Uruunu ambaiŋana ki Krisi ta muŋgu amsoyaara piom, ina kakam ma imbol piom kek. ⁷ Tana iŋgi kombotmbot mi kazza Anutu be iswe Merere kiti Yesu Krisi ma ipet mat, mi ni ipombolmbol yom be kakam uraata matakiŋa

✧ **1:1-2:** 1Kor 6:11; 2Tim 1:9 ✧ **1:5:** 1Kor 12:7+; 2Kor 8:7

boozomen ta ki Bubujana i. ✧ 8-9 Mi Anutu itunu ko ipombolmbol yom ma kemender mboljana ma irao toono swoono. Naso nol ki Merere kiti Yesu Kresi iso ipet, tona leyom uunu sa isaana som. Pa Anutu ta iboobo yom ma niomjan Lutuunu Yesu Kresi kaparlup yom na, ni itoto sua kini. Tana iti irao tapase pini. ✧

Zin Korin tiparyapaala zin

10-11 O niom tonmatizin tio, nio anj sombe anpombol yom pa Merere kiti Yesu Kresi zaana ta kembei: Kulup leleyom mi ngar tiom ma iwe tamen kat, mi koso sua raraate men. Kokena kaparyapaala yom. Pa Kloe wal kini pakan timar mi tisotaara yo piom ta kembei: Njoni boozo imbot la mazwoyom. ✧ 12 Ingi anso pa mbulu tiom tau kaparyapaala yom ma kozzo ta kembei: “Niam ti amtoto ngar ki Paulus,” som “Niam amtoto ngar ki Apolos,” som “Niam amtoto ngar ki Petrus,” som “Niam ti amtoto Kresi.” Mbulu ta kembei irao yom makin. ✧

13 Lak, anso anwi yom. Kresi, tisupaali ma iwe pakan pakan? Som Paulus ikam muriyom, mi tipuni ma imeete sala ke pambaaranjana piom? Som niom kakam yok pa Paulus zaana? 14 Nio lelenj ambai pa Anutu paso, ankam yok piom som. Malanto ankam pa Krispus mi Gaius men. ✧ 15 Tana tomtom sa irao imender mi iso: “Nio ti ankam yok pa Paulus zaana,” na som. 16 O njonoono, nio ankam yok pa Setepan mi wal kini tomini. Mi zin pakan

✧ **1:7:** Pil 3:20; 1Tes 1:10; Tit 2:13 ✧ **1:8-9:** Pil 1:6; Kol 1:22; 1Tes 3:13, 5:23+; 1Pe 5:10; 1Kor 10:13; 1Yo 1:3 ✧ **1:10-11:** Ro 12:16; 2Kor 13:11; Pil 2:2, 3:16; 1Pe 3:8 ✧ **1:12:** Yo 1:42; Njgo 18:24+; 1Kor 3:4 ✧ **1:14:** Njgo 18:8; Ro 16:23

na, motonɔ ɔngal mini som. Anɔkam yok pizin, o som.✠ ¹⁷ Pa Kriɔi, ni ɔngɔ yo ma anɔla be anɔkam yok pizin tomtom som. Ni ɔngɔ yo be anɔsoyaara uruunu ambainɔana. Mi ni leleene be anɔkam sua mbuyeeneɔana kembei ta zin ngarɔnan ki toono i tikamam na pepe. Pa sua ta kembena ko ikoto ke pambaaraɔana ki Kriɔi ma iwe kembei koronɔ sorok.✠

Meeteɔana ki Kriɔi iswe kat Anutu mburaana mi ngar kini

¹⁸ Sua ta iso pa meeteɔana ki Kriɔi sala ke pambaaraɔana na, zin wal tabe tila len i tire kembei sua kankaanaɔana. Tamen iti ta Anutu ikamam uraata piti be ikamke iti na, tikilaala ta kembei: Meeteɔana kini ta iswe kat Anutu mburaana.✠

¹⁹ Ka sua imbot pataaɔa kek ta kembei:

Wal ngarɔnan na, Anutu ko itatke ngar kizin, mi ipasaana ma iwe koronɔ sorok.

Zin wal ta len ngar biibi na, ni ko ikam ma ngar kizin iur ngonoono som.✠

²⁰ Tana wal ngarɔnan, mi zin ta len ngar biibi pa tutu na, mi zin wal ta tizorzooro pa sua ma ngar pa mazwaana tainɔi na, ko toso parei pizin? Pa ngar ta tomtom toono kan tipakurkur na, Anutu iso iti pa ta kembei: Ina ngar kankaanaɔana kat.✠

²¹ Anutu ngar kini biibi. Ni iute: Iti tomtom toono kanda na, ngar kiti irao ikam ti ma tuute i na som. Tanata ni iur zaala toro pizin wal

✠ **1:16:** 1Kor 16:15 ✠ **1:17:** 1Kor 2:1+; Ga 1:15+; 2Pe 1:16

✠ **1:18:** Ngo 17:18; Ro 1:16; 1Kor 2:14; 2Kor 4:3 ✠ **1:19:** Yesa 29:14 ✠ **1:20:** Yesa 19:12; Lu 10:21; Ro 1:22,28; 1Kor 3:18

urlaŋan be ikamke zin pa i. Mi sua ki Anutu ta amzzoyaryaara i, ta iso yom pa zaala tana. Zaala tana, wal toono kan tire kembei mbulu kankaanaŋana. ✧ ²² Pa zin Yuda tiso tire mos bibip to tiurla. Mi zin Grik na, tikam kinkiini be tikam ŋgar biibi. ✧ ²³ Tamen niam na, amzzoyaryaara sua pa meeteŋana ki Krisi sala ke pambaaraŋana. Sua tana, sombe zin Yuda tileŋ, na tiurla som, mi lelen pa som kat. Mi so zin wal ta Yuda somŋan i tileŋ, na tire kembei ŋgar kankaanaŋana. ✧ ²⁴ Tamen iti ta Anutu iboobo iti ma tewe lene na, iti Yuda, mi zin wal pakan tomini, iti tuute: Krisi ta iswe kat Anutu mburaana mi ŋgar kini biibi. ✧ ²⁵ Pa ŋgar ki Anutu ta tomtom tire kembei ŋgar kankaanaŋana, ina ilip pa ŋgar kizin tomtom. Mi mbulu ki Anutu ta tomtom tire kembei mburaana som, ina ilip pa tomtom mburan. ✧

²⁶ O niom toŋmatiziŋ tio, kakam ŋgar pa ituyom. Niom wal ta Anutu iboobo yom ma kewe lene na, niom pareiŋoyom? Wal toono kan tire yom boozo kembei leyom ŋgar biibi? Som. Mi niom boozo mburoyom biibi som, mi zoyom biibi som. ✧ ²⁷ Pa zin wal ta tomtom toono kan tire zin kembei wal kankaanaŋan, ta Anutu ipeikat zin ma tiwe lene, bekena ipamianŋ zin wal ŋgarŋan ki toono. Mi zin wal ta tomtom toono kan tire zin kembei mburan bibip som, ta Anutu ipeikat zin ma tiwe lene, bekena ipamianŋ zin wal tau mburan bibip i. ✧ ²⁸⁻²⁹ Mi zin wal ta tomtom toono kan tirepilpiili

✧ **1:21:** Mt 11:25+ ✧ **1:22:** Mk 8:11; Yo 4:48; Ngo 17:18,32

✧ **1:23:** Yo 6:60+; Ngo 22:22; Ro 9:32; 1Kor 2:14 ✧ **1:24:** Ro

1:16; Kol 2:3 ✧ **1:25:** 2Kor 13:4 ✧ **1:26:** Lu 16:15; Yo 7:48;

Yems 2:1+ ✧ **1:27:** Mt 11:25; Yems 2:5

zin ma tiso zin sorrokɲan, ta Anutu ipeikat zin ma tiwe lene. Naso iswe zin wal zanɲan ki toono kembei zan tina koronɲ sorok, mi tomtom sa irao ipakur itunu ila Anutu kereene uunu som.✧

³⁰ Anutu itunu, ta ikam yom ma kesekap la ki Yesu Kriisi. Mi Yesu Kriisi, ta iswe ngar biibi ki Anutu piti, mi ikam ti ma tewe ndeenɲanda pa Anutu mataana, mi ipeyei mbulu potomɲana piti, mi ikamke iti.✧ ³¹ Tana toto sua ta tibeede se ro pataaɲa kek.

Tapakur koronɲ toro sa pepe. Tapakur Merere itutamen.✧

2

¹ Niom tonmatizij tio, motoyom ingal. Indeenɲe ta nio aɲma mi aɲsoyaara sua ki Anutu piom na, aɲkam sua mbuyeeneɲana kembei ta wal kwon suaɲan tikamam na som. Mi aɲzzo pa ngar bibip ta ki toono i na som. Aɲzzo katkat sua pa Anutu ngar kini biibi ta munɲu ike mi inɲi ipet mat kek.✧

² Paso, indeenɲe ta aɲma ma aɲbotmbot la mazwoyom na, ngar tio imbol be aɲzzo men pa Yesu Kriisi, mi meeteɲana kini sala ke pambaaraɲana.✧

³ Mazwaana tana, motoɲana biibi ikam yo ma mburonɲ imap, mi aɲyamaana itunɲ kembei aɲrao som kat.✧ ⁴ Tana indeenɲe ta aɲsoyaara uruunu ambainɲana piom na, aɲzzo sua mbuyeeneɲana kembei ta zin ngarɲan ki toono tikamam bekena tiyaryaaru zin tomtom na som. Mi Anutu Bubunɲana

✧ **1:28-29:** Ro 3:27; Ep 2:9 ✧ **1:30:** Yo 17:19; Ro 4:25; 2Kor 5:21

✧ **1:31:** Yer 9:23+; 2Kor 10:17 ✧ **2:1:** 1Kor 1:17 ✧ **2:2:** Ga

6:14; Pil 3:8 ✧ **2:3:** Ngo 18:9; 2Kor 10:1,10, 11:30

ta ikamam uraata mburaanaŋana piom, mi ipombolmbol sua tio.✧ ⁵ Tana urlaŋana tiom imendernder se tomtom ŋgar kizin som. Imendernder se Anutu itunu mburaana.✧

Bela Anutu Bubunaŋana ikam peeze piti, to takam kat ŋgar

⁶⁻⁷ Mi zin wal ta tikam ŋgar ki Anutu ma imbol pizin na, amzzo zin pa ŋgar kini biibi ta muŋgu ike mi iŋgi ipet mat kek. Ŋgar tana, indeeŋe toono ipet zen na, Anutu leleene iur pa, bekena ikam ti ma tombot raami lela azuŋka kini leleene. Mi ŋgar tana ipa ndel kat pa ŋgar ta tomtom tipakurkur pa mazwaana taŋgi, mi ŋgar kizin bibip ki toono tabe tila len i.✧ ⁸ Zin bibip tana, kizin tasa ikilaala Anutu ŋgar kini som. Mi be tikilaala, so tipun Merere kiti ta azuŋka katuunu i sala ke pambaaraŋana som.✧ ⁹ Ŋgar ta amzzo pa i na, tibeede ka sua muŋgu kek ta kembei:

Koroŋ ta Anutu iparaŋraŋ pizin wal tau tiur lelen pini na, muŋgu tomtom tire som, tileŋ som, mi tikam ŋgar pa som.✧

¹⁰ Mi niam na, Anutu ikam Bubunaŋana piam, mi Bubunaŋana tana iswe koroŋ tana piam kek. Pa Bubunaŋana, ni irre koroŋ ta boozomen. Anutu ŋgar kini turkeŋana kat tomini, Bubunaŋana iute.✧

¹¹ Kere. Asiŋ iute tomtom toro leleene ma imap? Som. Ni itutamen ta iute kat leleene. Mi ina

✧ **2:4:** 2Pe 1:16 ✧ **2:5:** 1Kor 4:20; 2Kor 4:7, 6:7; 1Tes 1:5

✧ **2:6-7:** Ro 16:25+; 1Kor 1:28; Ep 3:5,9; Kol 1:26; Pil 3:15; Ibr 5:14

✧ **2:8:** Lu 23:34; Yo 16:3; Ngo 13:27; 2Kor 3:14 ✧ **2:9:** Yesa 64:4;

Yer 3:16 ✧ **2:10:** Mt 13:11; Yo 16:13; 1Yo 2:27

raraate pa Anutu. Bubunana men, ta iute Anutu leleene ma imap. ✧ ¹² Niam taingi amkam ngar ki toono som. Amkam ngar ki Bubunana ta imar pa Anutu na. Mi Bubunana tana, ta ipaute yam pa koron ambaimbainan ta Anutu ipomoozo iti pa kek na. ✧ ¹³ Mi inggi amzzo pa koron ta tana. Tana sua ta amzzo i, imar pa tomtom ngar kizin som. Ina, Bubunana Potomnana ta ipaute yam pa. Mi gorgori ta amwesweeze sua ta imar pa Bubunana na, amtoto peeze ki Bubunana. * ✧

¹⁴ Tomtom ta sombe ngar ki toono ikamam peeze pini na, ni irao be ikam ngar pa koron ta ki Anutu Bubunana i na som. Ni ire koron tana kembei koron kankanana. Pa bela Bubunana ipei ngar piti, to takam kat ngar pa koron ta ki Bubunana i. Uunu tina ta tomtom toono kan, ngar kizin irao ipet pa koron ta ki Bubunana i na som. ✧ ¹⁵ Mi tomtom ta sombe Bubunana ikamam peeze pini, na ni irao be ikilaala koron ta boozomen. Ingoi ta ambainana, mi ingoi ta sanannana. Tomtom ta kembena na, wal ta tikamam ngar ki toono na, irao tiyo kwon pini na som. ✧ ¹⁶ Pa zin wal ta tikamam ngar ki toono na,

Kizin asiņ ta iute kat ngar ki Merere, som irao be ipaute i pa koron pakan? Som.

Mi niam na, ngar ki Kresi ta ikamam peeze

✧ **2:11:** Ro 11:33+ ✧ **2:12:** Ro 8:9 * **2:13:** Zaala toro ta tarao be totooro sua suruunu ti na, ta kembei: “Mi zin wal tau tikam ngar ta ki Bubunana i na, amwesweeze sua nonoono ta imar pa Bubunana na pizin.” ✧ **2:13:** 1Kor 1:17, 2:4; 2Pe 1:16 ✧ **2:14:** Yo 6:44, 14:17; Ro 8:5+; 1Kor 1:18,23 ✧ **2:15:** 1Tes 5:21; 1Yo 2:20, 5:20

piam.✧

3

Mbulu kizin Korin iswe zin kembei lelen munḡuḡana ikamam peeze pizin men

¹ O niom tonmatiziḡ tio, munḡu nio irao anḡkam sua piom kembei ta anḡkamam pizin wal tau Bubunḡana ikamam peeze pizin i na som. Pa mazwaana tana, niom kakam kat nḡar pa mbulu ki Krisi zen. Nḡar tiom kembei ta zin pikin. Pa leleyom munḡuḡana ta ikamam peeze piom.✧

² Tanata nio anḡkam kini mbolḡana piom som. Anḡkam tui men. Pa mazwaana tana, niom karao pa kini mbolḡana zen. Mi koozi na, raraate men. Karao zen.✧ ³ Pa leleyom munḡuḡana ta ikamam peeze piom men. Kere mbulu ta kakamam i. Nḡoḡi imbotmbot la mazwoyom, kakamam kaisi-igi pa ituyom nḡar tiom, mi kakamam be kokoto waeyom bizin. Mbulu tiom tana iswe yom kembei leleyom munḡuḡana ta ikamam peeze piom men. Niom kapa pai tiom kembei zin wal ta titoto nḡar ki toono na.✧ ⁴ Pa sombe kaparyapaala yom, mi tomtom tiom pakan tiso: “Niam amtoto nḡar ki Paulus,” mi pakan tiso: “Niam amtoto nḡar ki Apolos,” na mbulu tiom tana iswe yom kembei kototo nḡar ki toono men.

Zin wal ta tikamam uraata ki Merere na, zin ta boozomen mbesooḡo kini men

✧ **2:16:** Ro 11:34 ✧ **3:1:** Ep 4:13+ ✧ **3:2:** Ibr 5:12+; 1Pe 2:2

✧ **3:3:** 1Kor 1:10+, 11:18; Ga 5:19+; Yems 3:16

⁵ Apolos, ni asiŋ? Mi Paulus, ni asiŋ? Niamru inŋi mbesooŋo men ta amwe zaala piom ma kurla ki Kriŋi i. Mi Merere, ni iur leyam uraata ndelndelŋa. Uraata tana, ta amkamam i. ⁶ Nio ta aŋpaaza kini. Mi Apolos, ni mataana pa, mi ipun ro pa. Mi Anutu ta ikam ma kini ise. ⁷ Tana tomtom ta iwaswaaza kini na, ni zaana biibi som. Mi tomtom ta mataana pa na, ni tomini zaana biibi som. Anutu itutamen ta zaana biibi. Pa ni ta ikamam ma kini ize. ⁸ Tana tomtom ta iwaswaaza kini, mi ni ta mataana pa na, ziru raraate men. Mi kaimer Anutu ko ikam len kadoono ma ikot uraata kizin kizin.✧ ⁹ Tana niamru amgabgaaba Anutu pa uraata kini. Mi lupŋana tiom ta iwe kembei mokleene ki Anutu mi kembei ta ruumu kini.✧

Wal ta so tipombol lupŋana ki Kriŋi pa sua ki Anutu na, zin kembei tipo ruumu pa Anutu

¹⁰ Nio kembei tomtom ta ni le ŋgar biibi pa ruumu poŋana. Pa uraata ta muŋgu aŋkam la mazwoyom, ina kembei ta aŋpaaza kitiimbi pa ruumu ki Anutu. Uraata tana, Anutu itunu ta ikampe yo mi ikam lej ŋgar pa. To tomtom toro imar ito yo, mi inŋi iseŋge uraata pa, mi iwwo ma izalla. Niam wal ta amkamam uraata na, niam tataŋa bela motoyam ingal uraata tiam tiam mi ampo kat.✧ ¹¹ Mi Yesu Kriŋi ta iwe kembei kitiimbi pa ruumu ki Anutu be imender se. Koron toro sa irao na som. Kitiimbi tana, nio aŋpaaza kek.✧ ¹² Wal uraata kan ta tiwwo ruumu ma izalla na, pakan

✧ **3:8:** Ngo 18:1+, 19:1; 1Kor 4:15; 2Kor 3:3+; Ga 6:3; 2Yo 8 ✧ **3:9:** Mt 13:3+; 2Kor 6:1; Ep 2:20+; Ibr 3:3+ ✧ **3:10:** Ro 15:20; 1Kor 4:15, 15:10; 2Pe 3:15 ✧ **3:11:** 2Kor 11:4; Ep 2:20; 1Pe 2:4+

tiwoo pa koronɔ ɲonoono kembei ta gol, silba, ma pat ndabokbokɲan. Mi pakan na, tiwoo pa koronɔ soroksorok kembei ta ke ma rie mi kooto. ¹³ Talala ma sombe nol biibi ipet raama you, mi Anutu itiiri zin tomtom pa mbulu kizin, tona uraata kizin tomtom ta boozomen kola ipet mat. Pa you * ko itoombo uraata kizin mi iswe zin.✧ ¹⁴ Tomtom ta so iwoo ruumu ki Anutu pa koronɔ ɲonoono, na you tana ko irao ikam kosa sa pa uraata kini som, mi ni ko ikam le kadoono ambainɲana. ¹⁵ Mi sombe tomtom sa iwoo pa koronɔ soroksorok, na you tana ko ikan uraata kini ma imbirizi ma ila ne lup. Mi rimen ɲonoono mi ni itunu ila ne tomini. Tamen som. Ni ko imbot ambai, kembei tomtom ta you ikanan ruumu kini, mi namaana men, mi iko ma ipet mat.

¹⁶ Niom kuute som? Lupɲana tiom ta iwe kembei Anutu urum kini. Mi Anutu Bubunɲana imbotmbot la mazwoyom.✧ ¹⁷ Tana kere. Sombe tomtom sa ipasaana urum kini tana, na ni tomini, Anutu ko ipasaani. Pa urum kini na, koronɔ kini potomɲana. Mi lupɲana tiom ta iwe kembei urum kini.

Iti tapase pizin tomtom mi nindi ise pizin pepe

¹⁸ Kere. Kokena kapakaam ituyom. Sombe tomtom tiom sa ikam ɲgar pa itunu kembei ni irao kat pa ɲgar ta tomtom tipakurkur pa mazwaana ta taɲgi, na bela ipizil ndemeene pa ɲgar tana, mi ikoto itunu ma iwe kembei tomtom kankaanɲana. Naso ni irao ikam ɲgar

* **3:13:** You ti, ina sua tooronɲana pa tiirinɲana biibi tabe ipet pa mbeɲ kaimer. ✧ **3:13:** 1Kor 4:5 ✧ **3:16:** 1Kor 6:19; 2Kor 6:16; Ep 2:21+; Ibr 3:6; 1Pe 2:5

ɲonoono ta ki Anutu i.✠ 19 Pa ɲgar ta tomtom toono kan tipakurkur, ina Anutu ire kembei ɲgar kankaanaɲana. Ka sua tibeede pataaɲa kek: Zin ɲgarɲan ki toono na, ɲgar kizin tana ko iwe kembei ta kilis pizin be Anutu ikeene zin pa.✠

20 Mi sua lwoono toro iso ta kembei: Merere, ni iute: Wal ɲgarɲan ki toono na, ɲgar kizin ɲono somɲana.✠

21 Tana tapase pizin tomtom mi nindi se pizin pepe. Pa koron ta boozomen, ina timbot be iuulu yom. 22 Paulus, Apolos, Petrus, toono ti, mbotɲana tiom, meeteɲana, koron ta timbot ta buri, mi koron tabe tipet pa kaimer i tomini. Koron ta boozomen tana, ina niom tiom men. 23 Mi niom ta boozomen ki Krisi. Mi Krisi, ni ki Anutu.✠

4

Anutu itunu ko itiiri zin mbesooɲo kini

1 Tana tomtom irao tikam ɲgar piam ta kembei: Niam ɲɲgi mbesooɲo ki Krisi. Mi Anutu indemeere yam, mi iur sua kini imar nomoyam be amboro. Sua tana, muɲgu ike. Mi ɲɲgi Anutu iswe ma imbot mat kek. ✠ 2 Mbesooɲo ta so biibi kini indemeeri mi iur uraata ila namaana, na ni bela mata siɲsiɲ pa uraata tana mi ikam kat. To biibi kini leleene ambai pa uraata kini. ✠ 3 Mi nio na, sombe niom, som tomtom pakan kere yo kembei nio ambaiɲon,

✠ 3:18: Ga 6:3 ✠ 3:19: Yop 5:13; 1Kor 1:20, 2:6 ✠ 3:20: Mbo 94:11 ✠ 3:23: Ro 14:8; 1Kor 11:3; 2Kor 10:7 ✠ 4:1: 1Kor 3:5; 2Kor 6:4; 1Pe 4:10 ✠ 4:2: Lu 12:42

som sanannɔŋ, na aŋkam ŋgar biibi pa koron ta kembena som. Mi itun ta kembena. Irao aŋso nio ambainɔŋ, som sanannɔŋ na som. ⁴ Nonoono, anyamaana itun kembei aŋkam ŋoobo mbulu sa som. Tamen irao aŋdemeere sorok mi aŋso mbulu tio ta boozomen indeeŋe men pa Anutu mataana na som. Aŋbot mi aŋzza Merere itunu be itiiri yo. Tona aŋute kat. Aŋkam ambai, som aŋkam ambai som. ✧ ⁵ Tana niom ta kembena. Irao loŋa kitiiri zin tomtom mi koso zin sanannan, som ambainan na pepe. Kombot mi kazza nol ki Merere. Pa ni isombe imiili ma imar, tona iswe koron ta tike lela zugut leleene na, ramaki ŋgar boozomen ta imbot la tomtom lenen na, ma ipet mat. Tona Anutu ko ipakur ti ikot mbulu kiti kiti. ✧

Mbulu ki ŋgoŋana ŋonoono ki Krisi

⁶ O niom tonmatizin tio, sua boozomen tana, nio aŋso se ki itun mi Apolos beken aŋjuulu ŋgar tiom. Pa mbulu tiam, ina iwe kin ambainana piom. Kokena niom ta kototo tomtom ta na, kapakur yom mi koso kilip pa waeyom bizin ta titoto tomtom toro. Pa mbulu ta kembei, ina imolo sua ta tibeede pataaŋa kek. ✧ ⁷ Lak, nu tina, asiŋ iuru ma lip pa waem bizin pakan? Mi parei, koron ku sa imar pa itum mburom, som ŋgar ku? Som. Koron ku ta boozomen imar pa kampejana ki Anutu men. Zaala toro sa som. Nakena uunu parei ta nim se mi pakur itum? ✧

✧ **4:4:** Mbo 143:2; Nŋo 23:1; Ro 2:13 ✧ **4:5:** Ro 2:1,16,29; 1Kor 3:8; 2Kor 5:10; Tur 20:12 ✧ **4:6:** Ro 12:3 ✧ **4:7:** Yo 3:27; Ro 12:6; Yems 1:17; 1Pe 4:10

⁸ Aiss, niom tina na, karao kat pa koron ta boozomen! Pa kozzo ta kembei: Leyom koron boozo ma karao kat. Mi kilip piam ma kewe king kek. * Mi niam, na ra zeen. Kozobe sua tiom tana nonoono, so ndabok! To itinan tewe king mi takamam peeze. Mi som. ☆

⁹ Pa nio anre kembei Anutu iur yam ngonjana ki Kriisi ma amkemer kat. Niam kembei wal sananjan ta tiur sua be timeete ila iwal biibi matan bekena zin tire len. Mi zin wal ta tirre yam na, tomtom men som. Zin anela tomini. ☆ ¹⁰ Niam ambesmbeeze pa Kriisi, mi tomtom tire yam kembei kankaanajoyam kat. Mi niom na, koso karao kat pa ngar ki Kriisi! Niam na, mburoyam biibi som. Mi niom na, mburoyam biibi kat. Niom na, tomtom tipakurkur yom. Mi niam na, tirepilpiili yam. Niom tina karao kat! ☆ ¹¹ Ta munngu mi imar indeenje koozi na, niam ambotmbot raama petel yam mi miri yam. Mi amzebzebe yam pa mburu mararaazan, mi tipunun yam sorok. Mi gorgori amwwa men, tana leyam muriyam sa tabe ambot pa i na som. ☆ ¹² Ambelmbel uraata pa nomoyam. Sombe tomtom tipiri sua sananjana piam, na amsun Anutu be ikampe zin. Mi sombe tiseeze motoyam pa Kriisi zaana, na amender mboljana mi ambaada men. ☆ ¹³ Sombe tingal sua piam,

* **4:8:** Sua ki Merere iso ta kembei: Sombe Mesia imar raama mburaana pa mben kaimer, tona zinan wal kini ko tikam peeze pa koron ta boozomen. Zin Korin tikam ngar noobo ma tiso mbulu tana ipet pizin kek. ☆ **4:8:** Tur 3:17+ ☆ **4:9:** Ro 8:36; 1Kor 15:30+; 2Kor 6:9; Ibr 10:33 ☆ **4:10:** Ngo 26:24; 1Kor 2:3; 2Kor 13:9 ☆ **4:11:** Ngo 23:2; Ro 8:35; 2Kor 11:23+ ☆ **4:12:** Mbo 109:28; Mt 5:44; Ngo 18:3+; Ro 12:14

na ampimiili pa sua ambainana. Tana ta munḡu mi imar na, niam kembei musmuuzu ki toono. Pa tomtom tirepilpiili yam ma tire yam kembei sorrokḡoyam kat.

Paulus lelene be zin Korin tito i pa mbulu kini

¹⁴ Sua tana, nio aḡbeede piom bekena aḡpamian yom pa i na som. Nio leleḡ piom, mi aḡre yom kembei lutuḡ bizin niom. Tanata inḡi aḡpazal yom.

¹⁵ Pa sombe niom leyom tomtom piizi sa ta tipaute yom pa Kriḡi, na tomoyom boozo som. Tomoyom tamen ta nio i. Pa indeeḡe ta aḡkam uruunu ambainana piom, mi kuurla ma kewe Yesu Kriḡi lene na, aḡwe kembei tomoyom. ✧ ¹⁶ Tana aḡso aḡpombol yom be koto mbulu tio. ✧ ¹⁷ Uunu tina ta aḡḡo Timoti ma ima. Ni na, nio leleḡ pini ilip, mi aḡdemeere kati. Pa Merere ilup yam ma aḡre i kembei lutuḡ ḡonoono. Ni ko ipei ḡar tiom pa mbulu tabe wal ki Kriḡi tito. Mbulu tana, nio ituḡ aḡkamam, mi aḡpaute lupḡana ki Kriḡi pa irao lele ta boozomen. ✧

¹⁸ Nio aḡute: Tomtom tiom pakan tikam ḡar kembei nio ko irao aḡma aḡre yom mini som. Tanata tipakurkur zitun mi tikamam zoroḡana biibi. ¹⁹ Tamen sombe Merere lelene pa, inako molo som to aḡma. Tona aḡre zin wal ta tipakurkur zitun mi tizorzooro na, mi aḡute kat zin. Tizzo sua men, som tikam Bubunḡana mburaana tomini? ✧

²⁰ Pa wal ta timbot lela peeze ki Anutu na, tizzo sua pa kwon men som. Tizzwe Bubunḡana mburaana

✧ **4:15:** ḡḡo 18:11; Ga 4:19 ✧ **4:16:** 1Kor 11:1; Pil 3:17; 1Tes 1:6; 2Tes 3:9 ✧ **4:17:** ḡḡo 19:22; Pil 2:19+ ✧ **4:19:** 1Kor 16:5; 2Kor 1:15

ramaki. ☆ 21 Tana parei? Niom leleyom pa so mbulu i? Ko anjma raama teene be anjbalis yom pa, som anjma raama sua luumuḡana mi mbulu ki lelende par piti?

5

Zin Korin bela tiziiri tomtom sananḡana pa lupḡana kizin

¹ Ayo, inḡi be anjpaḡal yom pa mbulu pakan ta kakamam i. Nio anlej uruyom kembei kakamam mbulu kizin me ma ḡge. Mi tomtom tiom ta, ni ikam tamaana waene popoḡana mi ziru tiwwa. Mbulu ta kembei na, ambai som kat. Kere. Zin wal ta tiute Anutu som na, tasa irao ikam mbulu ta kembei? Som.☆ ² Nakena kapakur yom mi koso niom karao kat pa mbulu ki Anutu be parei? Sombe niom kakam kat ḡgar, so leleyom ipata kat mi katarḡ pa mbulu tana, mi kiziiri tomtom tana ma imbot mat pa lupḡana tiom kek. Mi inḡi som. ³⁻⁵ Nonoono, mazwaana ti, nio itiḡan tomtotmbot som. Tamen ḡgar tio na, imbotmbot raama yom ma kembei ta itiḡan tomtotmbot. Tomtom ta ikam mbulu tana na, nio anjam ḡgar kek pa kadoono tabe ise kini i. Tana nio anso piom pa Merere kiti Yesu Krisi zaana ta kembei: Niom sombe kulup yom, mi sombe Merere kiti Yesu mburaana imbotmbot raama yom, mi Bubuḡana ilup ti ma kembei nio anbot raama yom tomini, tona kiziiri tomtom tana pa lupḡana tiom ma imbot mat, bekena iyamaana kat peeze ki Sadan. Naso ḡgar kini ipet mi izem ḡgar kini muḡḡana ma imborene. Mi

☆ **4:20:** 1Kor 2:4+; 1Tes 1:5 ☆ **5:1:** Lo 27:20; Ep 5:3

sombe nol ki Merere Yesu ipet, na ni ko imbot ambai.✠

⁶ Mbulu tiom ta kapakurkur yom ma koso karao kat pa mbulu ki Anutu, ina ambai som. Niom kuute som? Yis musaari, ina irao ikam uraata pa palawa biibi.✠ ⁷ Mbulu sananņana ki tomtom tana, ina kembei ta yis munņana. Tana kigiibi ma ila ne. Naso lupņana tiom iwe kembei narabu popoņana ta ka yis somņana i. * Nonoono, niom kewe popoņoyom kek. Pa Krisi, tipuni ma imeete kek. Ni patoroņana kiti, kembei sipsip ta tipunun zin pa Pasoba na.✠ ⁸ Tana iti irao takam Pasoba ka mbulu pa mazwaana ta boozomen, mi menmeen ti, tapakurkur Merere, takamam mbulu nģeezeņana, mi tototo sua nģonoono. Mi nģar sananņana ramaki ka mbulu ta boozomen na, kipiri ma ila ne lup, kembei ta yis munņana. Imbot raama yom mini pepe. Naso kewe kembei narabu ta ka yis somņana i.✠

⁹ Munģu nio anģeede ro piom mi anģo piom ta kembei: Zin wal tau tikamam mbulu kizin me ma nģe na, kombot molo pizin.✠ ¹⁰⁻¹¹ Sua tana, nio anģo pizin iwal biibi ta timbotmbot toono mi tikamam mbulu tana na som. Anģo pizin wal urlaņan men ta tikamam mbulu tana. Paombe leleyom be kombot molo pizin wal matan munņan ta tikamam mbulu kizin me ma nģe, som matan koroņan, som tiwatkeve len koronģ kizin wal pakan,

✠ **5:3-5:** Mt 18:18+; Kol 2:5; 1Tim 1:20; 1Pe 4:6 ✠ **5:6:** Mt 16:6+;

Ga 5:9; Yems 4:16 * **5:7:** Narabu ta ka yis somņana i, ina iwe kin pa mbulu ambainņana kizin wal ki Krisi. Mi yis na, iwe kin pa wal sananņan mi mbulu kizin. ✠ **5:7:** Kam 12:3-21; Yo 1:29; 1Pe 1:19

✠ **5:8:** Kam 12:18 ✠ **5:9:** 2Kor 6:14; Ep 5:11; 2Tes 3:14

som timbesmbeeze pizin merere pakaamɲan, na niom bela kezem kat toono ti! Tana sombe tomtom sa iso ni toɲmatizin ki Kriisi, mi tamen ikamam mbulu kizin me ma ɲge, som mataana koronɲana, som imbesmbeeze pizin merere pakaamɲan, som igibgiibi sua sananɲana pizin tomtom, som iwinin ma zaza, som iwatkewe len koron kizin wal pakan, na tomtom ta kembena, niom kombot molo pini. Mi kini kanɲana tomini, kagaabi pa pepe.✧

¹² Zin wal ta timbot lela lupɲana ki Kriisi som na, iti lende uraata be titiiri zin pa mbulu kizin na som. Tamen zin wal ta timbot lela lupɲana ki Kriisi na, niom bela kitiiri zin pa mbulu kizin mi kapazal zin. ¹³ Mi zin wal ta timbot lela lupɲana ki Kriisi som na, Anutu itunu ko itiiri zin mi iso zin ambainɲan, som sananɲan.

Tana kakam kembei ta sua ki Merere iso na: Tomtom sananɲana sa isombe imbot la mazwoyom, na kiziiri i ma imbot mat.✧

6

Zin wal urlaɲan irao tiparpamender zin ila zin bibip ki toono matan pepe

¹ Niom sombe ɲonɲi imbot la mazwoyom, na parei ta leleyom be kuur sua tiom ila Anutu wal kini naman be tiurpe som? Kere. Niom kaparpamendernder yom ila zin bibip ki toono ta tiute Anutu som na matan. Mbulu tiom tana, koyom miaɲ pa som? ² Niom kuute som? Indeeɲe mbeɲ kaimer ma Anutu isombe itiiri zin tomtom toono

✧ **5:10-11:** Mt 18:17; Yo 17:15; Ro 16:17; 1Kor 10:27; 2Tes 3:6

✧ **5:13:** Lo 13:5

kan na, wal kini potomɲan ko tigaabi pa uraata tana. Mi so kembena, na parei ta karao be kuurpe pataɲana munmun ta timbot la mazwoyom ta buri i som? ✧ ³ Niom kuute som? Iti ko titiiri zin aɲela. Tana iti irao tuurpe pataɲana ta ki toono ti tomini. ✧ ⁴ Aɲso mini. Sombe pataɲana sa imbot la mazwoyom, na parei ta ku'urur ila zin bibip ki toono naman be tiurpe? Zin zan be timboro lupɲana ki Kriisi? ⁵ Koyom mianɲ som? Parei, tomtom tiom tasa le ɲgar irao be iurpe zin tonmatizini ki Kriisi sua kizin som? ⁶⁻⁷ Tamen niom kototo zaala ta kembei som. Ingi kapamendernder waeyom bizin ta ki Kriisi i ila zin bibip ki toono ta tiurla som na keren uunu. Kere. Mbulu tana ambai?

Mbulu tiom tana iswe yom kembei kotop pa mbulu ki Kriisi kek. Sombe tomtom tikam ɲoobo yom, som tikem koronɲ tiom, na tongo pa. Tikam lak! Niom irao kumuɲai zin. ✧ ⁸ Tamen niom kakamam ta kembei som, mi ituyom kakamam ɲoobo zin tomtom, mi kekemem koronɲ kizin. Mi mbulu tana, kakamam pa tonmatizini tiom ta ki Kriisi i!

⁹ Niom kuute som? Zin wal ta so tikamam mbulu ndeeɲɲana som, nako tirao be tilela Anutu kar kini som. Tana kapakaam ituyom pepe. Wal ta so tikamam mbulu kizin me ma ɲge, mi wal ta timbesmbeeze pizin merere pakaamɲan, mi wal ta tipasaana ula, mi zin tomooto ta tiparmbulmbuulu zin, ✧ ¹⁰ mi wal kuumbuɲan, mi wal ta matan koronɲan, mi wal ta tiwinin ma zaza, mi wal ta

✧ **6:2:** Mt 19:28; Tur 20:4 ✧ **6:3:** 2Pe 2:4; Yud 6 ✧ **6:6-7:** Mt 5:39+; Lu 6:29; Ro 12:17+; 1Tes 5:15; 1Pe 3:9 ✧ **6:9:** Ga 5:19+; Ep 5:5; Ibr 12:14; Tur 22:15

tigibgiibi sua sananɲana pizin tomtom, mi wal ta tiwatkewe len koron kizin tomtom pakan na, wal boozomen ta kembei, kizin tasa ko irao be ilela Anutu kar kini na som. ¹¹ Munɲu tomtom tiom pakan tikamam mbulu ta kembei tomini. Tamen Yesu Kresi ndomoono piom, tanata Anutu kiti Bubunɲana mburaana ipus yom, mi ikam yom ma kewe wal kini potomɲan, mi kewe ndeenɲoyom pa mataana.✧

Iti tewe kembei Urum Merere be Bubunɲana Potomɲana imbot lela. Tana tuurnol pepe

¹² Wal pakan tizzo ta kembei: “Mbulu ta boozomen na, niam amrao be amkam. Ngalseki sa som.” Ina ambai. Tamen mbulu ta boozomen iuluulu iti som. Mi tomini, nio leleɲ be aɲwe mbesoono pa koron sananɲana sa na som.✧

¹³ Mi tomtom pakan tizzo ta kembei: “Mbulu ta so amkam pa kuliyam, ina koron sorok ki toono men. Kembei kini, ina koron ki kopoyam. Mi kopoyom, ina imbot be kini izulla. Mi kaimer na, Anutu ko ikam koron ru tana ma tila len.” Ina nɲonoono. Tamen kulindi, ina imbot be ikam mbulu kizin me ma nge na som. Ina imbot be imbeeze pa Merere. Pa ina koron ki Merere.✧ ¹⁴ Kere. Munɲu Anutu mburaana ipei Merere kiti ma imanɲa pa naala. Mi kaimer, ni ko ipei iti tomini ma tamɲanɲa kulindi munɲaana.✧

¹⁵ Niom kuute som? Kuliyom tana, ina koron ki Kresi. Pa niom ta kewe kembei Kresi namaana, ma kumbuunu ma koronɲanɲan ta boozomen.

✧ **6:11:** Ep 2:1+; Kol 3:7+; Tit 3:3+; Ibr 10:22; 1Pe 1:2 ✧ **6:12:** 1Kor 10:23 ✧ **6:13:** Ro 14:17; Kol 2:22+; 1Tes 4:3+ ✧ **6:14:** Ro 8:11; 2Kor 4:14; Ep 1:19+

Parei, sombe tulup Krisi koronɲana sa raama moori zaala lwoono kana, ko ambai? Som kat!✧
 16-17 Kakam ɲgar. Sombe tomtom sa ziru moori za-
 ala lwoono kana tiparlup zin, na ziru tiwe kembei
 tomtom ta. Pa sua imbot pataaɲa kek:
 Ziru ko tiparlup zin ma tiwe tamen.✧

Tamen tomtom ta sombe Bubunɲana ikami ma
 iwe Merere lene, na ni ziru Merere tiparlup zin
 ma tiwe tamen. Parei, ko tomtom ta kembena isu
 mini mi ilup raama moori zaala lwoono kana?✧

18 Tana kombot molo pa mbulu kizin me ma
 ɲge. Pa sanaana boozomen ta tomtom tikamam,
 ina kembei imbot mat pa kulin. Tamen sombe
 takam mbulu kizin me ma ɲge, na takam sanaana
 pa itundu kulindi.✧ 19 Niom kuute som? Kuliyom
 tana, ina iwe kembei Urum Merere be Bubunɲana
 Potomɲana ta Anutu ikam piom na imbot lela.
 Tana niom komboro ituyom mini som.✧ 20 Pa
 Anutu ɲgiimi yom pa kadoono biibi ma kewe lene
 kek. Tana mbulu ta kakamam pa kuliyom, ina be
 ipakur Anutu.✧

7

Paulus ipazal zin Korin pa ula ka ɲgar pakan

1 Ayo, ɲgi be anɲekel wiɲana pakan ta imbot
 la ro tiom ta kebeede ma imar na. Niom kozzo
 ta kembei: “Sombe tomooto ila ki moori som,
 ina ambai.” 2 Tamen mbulu kizin me ma ɲge ta

✧ **6:15:** Ro 12:5; 1Kor 12:27; Ep 5:30 ✧ **6:16-17:** Un 2:24

✧ **6:16-17:** Yo 17:21+; Ro 8:9+; 1Kor 12:13; Ep 4:4 ✧ **6:18:** Ro

6:12+; 1Tes 4:3; Ibr 13:4 ✧ **6:19:** Ro 14:7+; 1Kor 3:16+; 2Kor 6:16

✧ **6:20:** Yo 15:8; 1Kor 7:23; Ga 3:13; Ibr 9:12; 1Pe 1:18+

ipet ma iwe biibi kek. Tana sombe tomooto ziru kusiini tiparmbot molo pizin, na tirre be tiparlup zin mini. ³ Sombe moori sa leleene be ziru kusiini tikeene, na kusiini irao iyok pini. Mi tomooto ta kembena. Sombe kusiini leleene be ziru tikeene, na ni irao iyok pini. Pa ina mbulu ki ula.✧ ⁴ Moori, ni imborro itunu kuliini som. Waene ta imborro. Mi tomooto ta kembena. Ni imborro itunu kuliini som. Waene ta imborro. ⁵ Tana kuruutu kuliyom pa kusiyom bizin pepe. Tamen sombe niomru kusim koyok raraate be kasapaara pa mbulu ki ula pa mazwaana rimen bekena kombot kat pa sunjana, ina ambai. Sua sa som. Mi kaimer to kaparlup yom mini. Kokena karao be kayaraama ituyom som, to Sadan iwat yom ma kotop. ⁶ Tana nio ansope yom ta kembei: Sombe leleyom be kasapaara pa mbulu ki ula pa mazwaana rimen, na irao. Mi kakam ma iwe tutu piom pepe. ⁷ Mi nio lelen anso tomtom ta boozomen tiwe kembei ta nio i mi tiwoolo som, to ndabok. Tamen Anutu iur mbotjana matakina piti. Mi mbulu parejana ta so ni iur piti, na kampenana kini ko imbotmbot raama.✧

⁸ Mi niom kisa ma noronja na, nio anso piom ta kembei: Niom sombe kowoolo mini som, mi kombot kembei ta nio i, ina ambai. ⁹ Tamen sombe karao be kayaraama ituyom som, na kowoolo koyom! Kokena kowoolo som, to leleyom imanjanja pa mbulu sananja.✧

¹⁰ Mi wal ulanan na, nio anjur sua pizin ta kembei. Mi sua ti, nio sua tio som. Ingi Merere itunu kaljana. Moori irao izem kusiini mi iyembut ula

✧ 7:3: Kam 21:10; 1Pe 3:7 ✧ 7:7: Mt 19:11+; 1Kor 12:4,11

✧ 7:9: 1Tim 5:14

kizin na pepe. ¹¹ Mi sombe moori sa izem kusiini, na irao iwoolo mini pepe. Som na imiili ma ila ki kusiini, mi ziru tilup zin mini. Mi zin tomooto ta kembena. Irao tiyembut ula kizin pepe.☆

¹² Mi niom pakan na, nio leŋ sua piom ta kembei. Mi inŋi Merere sua kini som. Inŋi ituŋ aŋso. Sombe tomooto urlaŋana sa kusiini iurla som, mi tamen kusiini iyok be imbot raami, na tomooto tana iyembut ula kizin pepe. ¹³ Mi sombe moori urlaŋana sa kusiini iurla som, mi kusiini iyok be imbot raami, na moori tana tomini iyembut ula kizin pepe. ¹⁴ Pa moori urlaŋana ko iwe zaala pa kusiini ta iurla som na be iwe Anutu lene. Mi tomooto urlaŋana ko iwe zaala pa kusiini ta iurla som na be iwe Anutu lene. Mi sombe keyembut ula tiom, inako kapakaala zaala pa lutuyom bizin be tinŋeeze pa Anutu mataana. Tamen inŋi timbot la zaala tabe tiwe Anutu lene i kek.

¹⁵ Tamen sombe tomtom urlaŋana sa kusiini iurla som, mi imanŋmaŋ be iyembut ula kizin, na tomtom urlaŋana tana irao iyok pini, mi izemi ma ila. Ka ŋgalseki sa som. Pa Anutu iboobo iti be tombot la mbulu luumuŋana men.☆ ¹⁶ Mi niom moori ta kuurla na, kuute som. Ko kewe zaala pa kusiyom bizin be Anutu ikamke zin ma inŋi. Mi niom tomooto ta kembena. Kuute som. Ko kewe zaala pa kusiyom bizin be Anutu ikamke zin ma inŋi.☆

Mbotŋana pareiŋana taso Anutu ikam piti, na lelende ambai pa men

☆ **7:11:** Mk 10:11+ ☆ **7:15:** Ro 12:18, 14:19 ☆ **7:16:** 1Pe 3:1

17 Mbotɔɔana pareiɔana ta so Anutu ikam piti, na lelende ambai pa men. Tana mbotɔɔana kiti ta takamam indeeɔe Anutu iboobo iti ma tewe Kriſi lene na, tombot men ta kembei mi ila. Sua ti, nio aɔpaute zin lupɔana ki Kriſi pa irao lele ta boozomen. 18 Tana sombe tomtom sa tireeti mi Anutu iboobi, na ni itoombo be iurpe kuliini pepe. Mi sombe tomtom sa tireeti som mi Anutu iboobi, na irao ikam ɔgar pa reeteɔana pepe. 19 Pa sombe tireete iti, som tireete iti som, ina koroɔ sorok. Mi mbulu tau matanda iɔgalɔgal Anutu tutu kini mi tototo, ina koroɔ ɔnonono.* 20 Tana mbotɔɔana kizin tomtom tataɔa ta tikamam indeeɔe Anutu iboobo zin na, irao tikiskis men. 21 Sombe tomtom sa ikamu ma mbotmbot kini be mbesmbeeze pini, mi Merere iboobu ma we lene, na lelem ipata pa uraata ku tana pepe. Tamen sombe zaala ambaiɔana sa ipet pu be zem uraata ku tana, na nu rao zem. 22 Pa tomtom ta so iwe mbesooɔo pa tomtom toro ma imbotmbot, mi Merere iboobi ma iwe lene, na Merere ire i kembei ni mbesooɔo mini som. ɔnonono, mbesooɔo tana ko imbesmbeeze men pa biibi kini. Tamen Merere itatke i pa sanaana ta muɔgu imborro i na. Mi tomtom ta ni mbesooɔo som, mi imborro itunu mi Anutu iboobi na, ni iwe mbesooɔo pa Anutu.* 23 Mi niom na, Anutu iɔgiimi yom pa kadoono biibi ma kewe lene kek. Tana kusu mini ma kewe mbesooɔo pa ɔgar soroksorok kizin tomtom pepe.* 24 Tana niom toɔmatiziɔ tio, mbotɔɔana kiti ta takamam indeeɔe Anutu iboobo iti na, iti irao tikiskis men

* 7:19: Yo 15:14; Ro 2:25; Ga 5:6, 6:15 * 7:22: Yo 8:36; Ga 5:13; Ep 6:6; Plm 16; 1Pe 2:16 * 7:23: 1Kor 6:20; 1Pe 1:18+

mi tembesmbeeze pa Anutu.

Sua ta ila pizin wal ta tiwoolo zen

²⁵ Mi zin tamuriŋ ma nanŋaŋ ta tiwoolo zen na, nio leŋ sua pizin tomini. Mi iŋgi tutu ki Merere som. Iŋgi ituŋ sua tio. Tamen muŋaiŋana ki Merere imbotmboŋ se tio. Tana niom irao kendemeere sua tio ti mi keleŋ la kaŋoŋ. ²⁶ Nio aŋre ta kembei: Tomtom sa isombe iwoolo kek, som iwoolo zen, na imbot men ta kembei mi ila to ambai. Pa iŋgi be toporou sala pataŋana biibi i. ²⁷ Mi nu sombe mbuk sua pa moori sa be wooli, na reege sua ku mbukŋana tana pepe. Mi sombe woolo zen na, kam kinkiini be woolo pepe. ²⁸ Tamen sombe woolo, ina ambai tomini. Sanaana sa som. Mi moori ta kembena. Sombe iwoolo, na ikam sanaana som. Mi nio aŋute: Wal ulaŋan ko tin-deeŋe pataŋana boozo isu toono ti. Mi leleŋ be pataŋana ta kembei indeeŋe yom pepe. Tanata aŋkam sua ti piom.

Takam ŋgar biibi pa koron toono kan pepe

²⁹ O niom tonmatiziŋ tio, sua tio ti ka uunu ta kembei. Iti ko tombot su toono ma molo na som. Tana ta koozi mi ila na, irao takam ŋgar biibi pa mbotŋana kiti ta ki toono i na pepe. Tana zin tomooto ta tiwoolo kek na, irao timbot kembei zin wal ta tiwoolo som. ³⁰ Mi zin wal ta lelen ipata na, irao timbot kembei zin wal ta lelen ipata som. Mi zin wal ta menmeen zin na, irao timbot kembei zin wal ta menmeen zin som. Mi zin wal ta tiŋgimgiimi len koron na, irao tikam ŋgar ta kembei: Koron tana, koron kizin som. Ina koron

✧ **7:25:** 2Kor 8:8+; 1Tim 1:12-16 ✧ **7:29:** Ro 13:11+; 1Kor 10:11

ki Anutu. ³¹ Mi zin wal ta tikamam uraata pa koronj ta imbotmbot toono na, irao ngar kizin imap ma ilala pa koronj tana pepe. Pa iti tuute: Toono ti ramaki ka mbulu, ta inji be imap i.✧

³² Nio lelenj be niom kopoyom rru mi kakamam ngar boozo pepe. Tanata anso sua ti. Tomooto urlanana ta sombe iwoolo som, na ni ikamam ngar biibi pa koronj ki Merere. Pa leleene be ikam ma Merere leleene ambai. ³³ Mi tomooto urlanana ta so iwoolo kek, na ni ikamam ngar biibi pa koronj ki toono. Pa leleene be ikam ma kusiini leleene ambai.✧ ³⁴ Tana ngar kini iwe ru. Mi zin noronja mi tamurinj ta tiurla na, ta kembena. Tikamam ngar pa Merere men. Pa tisombe tiur zitun ma tiwe ni lene kat. Ngar kizin, lelen, kulin, koronj kizin ta boozomen. Tamen zin moori urlanana ta so tiwoolo kek na, tikamam ngar biibi pa koronj ki toono. Pa tisombe tikam ma kusin bizin lelen ambai.✧

³⁵ Sua tio ti, nio anso bekenan anpakaala yom pa ula som. Inji anso bekenan anjuulu yom ma ngar tiom imap ma ila ki Merere, mibe kakam kat mbulu mi kewe Merere lene kat. ³⁶ Tamen sombe tomtom sa tiroogo moori pini kek, mi tamen ziru tiwoolo zen, mi sombe ire kembei moori tana imbot sorok ta kembei, ina ambai som, mi itunu imanmanj pa mbulu ki ula, na ambai be ito leleene mi ziru tiwoolo. Sanaana sa som. ³⁷ Tamen sombe tomooto sa leleene mi ngar kini imbol be iwoolo moori ta tiroogi pini na pepe, mi ni irao be iyaraama itunu, na tomtom ta kembei isombe iwoolo som, na ikam ambai. Sua sa som. Tamen

✧ **7:31:** Mbo 39:6; Kol 3:2; 2Pe 3:11+; 1Yo 2:15+ ✧ **7:33:** Lu 14:20

✧ **7:34:** 1Tim 5:5

bela itunu iyok kat. Kokena ito wal pakan ngar kizin, mi ikam ta kembei. ³⁸ Tana tomooto ta sombe iwoolo, na ni ikam ambai. Mi tomooto ta sombe iwoolo som, na ni ikam ambai ma ilip.✧

³⁹ Mi zin moori ulajan na, sombe kusin bizin timetmeete zen, na irao tiyembut ula kizin pepe. Timbot men ki kusin bizin. Mi sombe moori sa kusiini imeete, na irao iwoolo mini. Mi kozo mataana ingal be iwoolo tomooto urlajana men.✧

⁴⁰ Tamen nio anre ta kembei: Sombe zin noronja tiwoolo mini som mi timbotmbot men ta kembei, inako lelen ambai ma ilip pizin noronja ta tiwoolo mini na. Mi nio tomini anso Anutu Bubunjana ikamam peeze pa ngar tio.

8

Sua pa buzur ta tipatoron zin merere pakaamjan pa i

¹ Ayo, ingi be anso pa buzur ta tipatoron zin merere pakaamjan pa i.

Niom pakan kozzo ta kembei: “Buzur tana ka ngar, niam ta boozomen ambot mat pa kek.” Ina ambai. Mi kere yom. Kokena ngar tiom ikam yom ma kapakur yom mi koso kilip pa waeyom bizin pakan. Mi mbulu ki lelende par piti, ina ikam ti ma taparpombolmbol ti.✧ ² Sombe tomtom sa indemeere kembei ni irao kat pa ngar, ina iswe kembei ni ikam kat ngar zen.✧ ³ Mi sombe tomtom sa iurur kat leleene pa Anutu mi zin tomtom, ina iswe kembei ni ikam kat ngar.✧

✧ **7:38:** Ibr 13:4 ✧ **7:39:** Ro 7:2+; 2Kor 6:14 ✧ **8:1:** Ngo 15:20; Ro 14:3,10,14 ✧ **8:2:** 1Kor 13:8-12; Ga 6:3; 1Tim 6:4 ✧ **8:3:** 1Yo 4:7+

⁴ An̄miili mini pa buzur ta tipatoron zin merere pakaam̄jan pa i. Niom kiwi ta kembei: “Ko wal urlaᅇan irao tikan, som som?”

Mi pekeln̄jana tio ta kembei: Iti tuute: Merere pakaam̄jan, ina koron̄ ᅇonoono som. Pa Anutu tamen ta imbotmbot i. Toro sa som.✧ ⁵ ᅇonoono, tomtom tiurla ki koron̄ boozo ta timbot saamba ma toono na, mi tiwatwaata zin be ‘anutu’ som ‘merere’ kizin. ⁶ Tamen iti na, tuurla ki Anutu tamen. Ni Tamanda ta iur koron̄ ta boozomen, mi iti tombot be tembeeze pini. Mi iti tuurla ki Merere tamen, Yesu Krisi. Ni ta iwe zaala pa koron̄ ta boozomen ma tipet, mi iwe zaala piti ma tewe Anutu lene.✧

⁷ Tamen wal pakan ta urlaᅇana kizin imbol zen na, timbot mat pa koron̄ tainḡi som. Wal ta kembei, ta muᅇgu mi imar na, timbesmbeeze pizin merere pakaam̄jan. Tana koozi, sombe tikan kini, som buzur sa ta tipakur merere pakaam̄jana pa na, to ᅇgar kizin ilala pa merere pakaam̄jana tana. Tabe ikam ma tiyamaana zitun kembei tikam ᅇoobo mbulu ma tisaana pa Anutu mataana.✧ ⁸ ᅇonoono, kini ma buzur, sombe takan, som takan som, ina koron̄ sorok. Irao ikam ti ma tewe ambain̄anda, som sanan̄anda pa Anutu mataana na som.✧

⁹ Tamen niom wal ta leyom ᅇgar pa koron̄ tainḡi mi kuute kembei kini ma buzur tana ka ᅇgalseki sa som na, kere yom. Kokena kayaaru zin wal

✧ **8:4:** Kam 34:14+; 1Kor 10:19+; Ga 4:8; Ep 4:5+; 1Tim 2:5 ✧ **8:6:** Yo 1:3+; ᅇgo 17:28; Ro 11:36; Pil 2:11 ✧ **8:7:** Ro 14:14,23; 1Kor 10:28+ ✧ **8:8:** Mk 7:19; Ro 14:14,17; Ibr 13:9

ta urlañana kizin imbol zen na, ma titop.✠ 10 Nu tomtom ta ndemeere kembei mbot mat pa ngar ki Kriisi na, sombe kanan kini lela urum ki merere pakaamñana sa, mi sombe tomtom sa ta urlañana kini imbol zen na, imar mi ire u, nako pomboli be ito u ma ikan kini tana tomini. 11 Tana re u. Kokena ngar ku tana ipasaana urlañana ki toñmatiziñ ku ta Kriisi imeete pini na, ma ila lene.✠ 12 Pa niom sombe kakam ta kembei, na kakam sanaana pa Kriisi. Paso, kakam sanaana pa zin toñmatiziñ ku ta urlañana kizin imbol zen na, mi kakam zin ma tiyamaana zitun kembei tikam ñoobo mbulu. 13 Tana sombe kini sa, som buzur sa irao ikam toñmatiziñ tio ma itop pa urlañana kini, na nio ko irao añkan mini koroñ tana na som. Kokena añkami ma itop pa urlañana kini.✠

9

Paulus isotaara zin Korin pa uunu tau ni iyok pizin be tikam le kadoono som

1 Niom Korin koyom kere yo be parei? Nio irao añboro ituj som? Nio zoñ pa uraata ki ñgoñana som? Nio ti añre kat Merere kiti Yesu som? Uraata ki Merere ta añkamam na, iur ñonoono piom som?✠

2 Ñonoono, wal pakan sa ko tire yo kembei nio ñgoñana ñonoono ki Kriisi som. Mi niom na, kuute. Pa uraata ta añkam la mazwoyom ma iur ñonoono, ta iswe yo kembei nio ñgoñana ñonoono ki Merere.✠

3 Zin wal ta titirtiiri yo ma tizzo nio ñgoñana ñonoono som na, nio añpekel sua kizin ta kembei:

✠ **8:9:** Ro 14:13+; Ga 5:13; 1Pe 2:16 ✠ **8:11:** Ro 14:15+ ✠ **8:13:** Ro 14:19+ ✠ **9:1:** Ngo 9:3, 9:15+; 1Kor 3:5+, 4:15 ✠ **9:2:** 2Kor 3:2+

⁴ Parei, niam ta zoyam pa uraata ki Merere na, irao tomtom tiuulu yam pa koyam kini ma yok som?✧ ⁵ Mi parei, sombe amwoolo, na irao amkam kusiyam bizin ta tiurla i, mi niamñan amwwa pa uraata ki Merere som? Irao amkam kembei Merere itunu tiziini bizin, mi Petrus, raama ngoñana pakan som? ⁶ Mi parei, niom koso ni-amru Panabas men ta amrao be amkam uraata pa nomoyam som, tanata leleyom be ambot mi amdemeere yom men pa mbotñana tiam?

⁷ Kakam ngar pizin wal malmal kan. Zin timborro zitun pa len pat mi kan kini? Som. Mi sombe tomtom sa ipaaza baen, ko itunu irao ikan ka ñonoono som? Som. Ni irao ikan. Mi parei? Ko mboronñan kizin sipsip mi mekmek irao ikam tui kizin mi iwin som?✧ ⁸⁻⁹ Sua tio ti, kokena niom koso nio añto ngar kizin tomtom men mi añso. Na som. Pa tutu ki Mose iso sua raraate men ta kembei:

Sombe bapalo ikamam uraata pu mi ipadagdaaga kini wit, na po kwoono pepe. Bela kwoono imbot sorok. Naso irao ikan kana tomini.✧

Parei, Anutu ikam ngar pizin bapalo men, mi iur tutu tana? ¹⁰ Som. Ni ikam ngar piti tomtom tomuni. Sua tana indeenje kat niam ngoñana. Kokena tomtom ta itaara toono be ipaaza kini, mi tomtom ta ingaama kini na, tikam ngar kembei tikamam sorok uraata. Ina ambai som. Zin irao tiur matan pa kan kini pakan tomuni. Uunu tina ta tibeede tutu tana. ¹¹ Indeenje ta amkam uraata la mazwoyom na, niam kembei ampaaza kini ta

✧ 9:4: Lu 10:8 ✧ 9:7: 2Tim 2:6 ✧ 9:8-9: Lo 25:4; 1Tim 5:18

ki Bubun̄ana i. Tana niom sombe kipimiili koron̄ pakan tabe ipombol kuliyam i, ina indeenje. Mi niom kere be parei? Amur motoyam pa koron̄ biibi mete?✧ ¹² Wal pakan na, kere zin kembei zan be kakam ulaaᅇa pizin. Ina ambai. Mi so kem-bena, na niom irao kakam leyam tom̄ini. Naso indeenje kat.

Tana niamru Panabas tom̄ini zoyam be amkam ulaaᅇa pakan pa uraata tiam. Tamen muᅇgu amyok be ku'uulu yam som. Pa amoto: Kokena amkam, to ipakaala zaala pa uruunu ambaiᅇana ki Krisi. Mi sombe ambot ᅇoobo, na tonᅇgo. Pa niamru amrao ambaada patana ta boozomen.✧

¹³ Niom kuute som? Zin wal ta tikamam uraata lela Urum Merere na, tikanan urum tana ka kini. Mi zin wal ta tikamam patoron̄ana sala artaal na, zin tikanan patoron̄ana pakan.✧ ¹⁴ Ina zaala raraate men pizin wal ta tizzoyaryaara uruunu ambaiᅇana na. Pa Merere, ni itunu iur len zaala ta kembei: Zin tirao be tikam len kadoono pa uraata kizin. Naso iuulu zin pa mboti kizin.✧

¹⁵ Tana nio sombe an̄kam leᅇ kadoono pa uraata tio, ina indeenje men. Tamen ta muᅇgu mi imar na, an̄yok be an̄kam som. Mi koozi tom̄ini, an̄beede sua ti beken̄a an̄kam leleyom ma kakam leᅇ kadoono na som. Lelen̄ pa som kat. Bela an̄meete muᅇgu, tona kakam leᅇ kadoono! Pa zaala ta an̄kamam uraata pa i, ta ikam yo ma niᅇ ise. Tana ᅇgar tio imbol kat be an̄kam leᅇ kadoono sa pa uraata tio pepe. Mi tomtom sa irao itooro ᅇgar tio ti na

✧ **9:11:** Ro 15:27; Ga 6:6 ✧ **9:12:** Ngo 20:33+; 2Kor 11:7-12+; 1Tes 2:9 ✧ **9:13:** Wkp 6:16,26; Lo 18:1 ✧ **9:14:** Lu 10:7; 1Tim 5:17+

som. ✧ 16 Nio sombe ansoyaara uruunu ambainana, na leŋ uunu sa be anpakur ituŋ pa i na som. Pa Anutu itunu ta iur uraata tana imar nomoŋ. Tana nio sombe ansoyaara uruunu ambainana som, na anbel ituŋ kek. ✧ 17 Nio sombe ituŋ leleŋ men mi ansoyaara sua ki Merere, so irao ankam leŋ kadoono pa uraata tana. Mi inŋi som. Pa anwe Anutu mbesoŋo kini kek, mi ni iur uraata ti imar nomoŋ be ankam. ✧ 18 Tana ko ankam leŋ kadoono pareinana? Pa gorgori ta anzzoyaryaara uruunu ambainana pizin tomtom na, anboboo pa kadoono ta zoŋ pa i som. Ankamam pizin sorok. Mi mbulu tina, ta ikam yo ma niŋ ise. Kadoono tio ta tina.

Paulus ito mbulu matakiŋa beken a iyaaru zin tomtom ma tiwe Kriŋi lene

19 Nio ti, tomtom sa imboro yo som. Ituŋ anboro yo. Tamen anjurur ituŋ ma anwe mbesoŋo pa wal ta boozomen, beken a nyaaru tomtom boozo ma tiwe Kriŋi lene. ✧ 20 Sombe anbot raama zin Yuda, na anŋo mbulu kizin beken a nyaaru zin ma tiwe Kriŋi lene. Nonono, tutu kizin imboro yo mini som. Tamen anbot kembei zin wal ta tutu imborro zin na, beken a nyaaru zin ma tiwe Kriŋi lene. ✧ 21 Mi sombe anbot raama zin wal ta tiute Yuda tutu kizin som, na nio tomini anŋo tutu tana som. Pa anso nyaaru zin tomini ma tiwe Kriŋi lene. Tamen nio anzooro Anutu tutu kini som. Pa tutu ki Kriŋi ta ikamam peeze pio. ✧ 22 Sombe

✧ 9:15: Nŋo 18:3, 20:34; 2Kor 11:10 ✧ 9:16: Yer 20:9; Nŋo 9:15; Ro 1:14+ ✧ 9:17: 1Kor 4:1; Ga 2:7; Kol 1:25 ✧ 9:19: Mt 20:26+; Ga 5:13 ✧ 9:20: Nŋo 16:3, 20:21-24; Ro 6:14+; Ga 3:25 ✧ 9:21: Ro 2:12+, 7:6; Ga 2:3+

aṅbot raama zin wal ta urlaṅana kizin imbol zen, na nio aṅbot kembei ta zin, bekena aṅkam zin ma timbol kat. Tana nio aṅto wal ta boozomen pa mbulu kizin kizin, bekena aṅkamke tomtom kizin pakan ma tiwe Krisi lene. Tana zaala pareiṅana ta sombe ambai pizin, na nio aṅto men. ✧²³ Pa mbulu tio ta boozomen na, aṅkamam bekena aṅpoloondo uruunu ambaiṅana mi irak ma irao zin tomtom. Naso niamṅan mi ambot lela kampeṅana ki uruunu ambaiṅana.

Matanda siṅsiṅ pa londi biibi ta ki Anutu i

²⁴ Iti tuute: Londi sa isombe ipet, na zin wal ta zan imbot pa londi tina, inako timap ma tiloondo. Mi tomtom tamen ta ko ilip mi ikam le kadoono. Tana motoyom siṅsiṅ pa londi biibi ta ki Anutu i, mi koloondo kat. Naso kakam leyom kadoono ambaiṅana. ✧²⁵ Wal boozomen ta tisombe tiloondo pa londi biibi, na tigabiizi kat zitun pa koron boozo. Pa tiso ko iuulu zin be tilip. Mi kadoono ta tikam kinkiini pa i, ina irao imbot ma molo na som. Loṅa men mi isaana. Mi iti na, takam kinkiini pa koron tabe imbot ma alok i. ✧²⁶ Nio kembei tomtom ta mata lawelawe pa londi i som. Nio aṅkamam kembei tomtom ta iṅgun uteene, mi iloondo kat bekena ise londi ka seṅgaṅa ta imap pa i. Mi nio kembei tomtom ta iwirri sorok namaana pa malmal i som. Nio kembei tomtom ta iwirri namaana mi ipunun katkat tomtom i. ²⁷ Pa aṅpunun ṅgar ta ki kuliṅ i bekena aṅkoto ṅgar tana

✧ **9:22:** Ro 15:1+; 1Kor 10:33; 2Kor 11:29 ✧ **9:24:** Pil 2:16, 3:14; 2Tim 4:7+; Ibr 12:1 ✧ **9:25:** 1Tim 6:12; 2Tim 2:4+; Yems 1:12; 1Pe 1:4, 5:4; Tur 2:10

mi anyaraama kat itunĵ. Kokena anĵkam kat mbulu som, mi anĵkamam sua pizin tomtom, to kaimer itunĵ anĵrao anĵkam leĵ kadoono ambaiĵana som.*

10

Tere ti. Kokena tagabiizi itundu som, to totop kembei ta zin Israel

¹ O niom tonmatizij tio, nio leleĵ be motoyom inĵal mbulu ta munĵu ipet pa tumbundu bizin na. Indeeĵe ta ziĵan Mose tizem Aikuĵtu na, miiri tieene ikamam peeze pizin ta boozomen. Mi zin ta boozomen tindu tai.* ² Mbulu ta ipet pizin pa tai ma miiri tieene na, ina kembei tikam yok. Pa mazwaana tana timanĵa pa mbotĵana popoĵana be tito Mose. ³⁻⁴ Mi zin ta boozomen tikan kini ta ki Bubunĵana i, mi tiwin yok ta ki Bubunĵana i. Tana zin ta boozomen raraate men. Pa timap tiwinin yok la pat ta ki Bubunĵana i tau igabgaaba zin ma ziĵan tiwwa. Pat tana na, Kriſi itunu tau. *⁵ Tamen kaimer tomtom boozomen kizin Israel tizooro Anutu. Tanata ni leleene ambai pizin som, mi ikasgeeĵe zin ma timetmeete leĵaleĵa pa lele bilimĵana.*

* **9:27:** Ro 13:14; Pil 3:13+; Kol 3:5 * **10:1:** Kam 13:21+, 14:22+; Mbo 78:13 * **10:3-4:** Kam 17:1+ mi Nam 20:1+ iso pa mazwaana ru ta Anutu ikam ma yok ireere pa pat bekena zin Israel tiwin. Zin Yuda pakan tiwidit mbol pa mbulu tana ma tiso ina pat tamen tau. Mi tizzo ta kembei: Pat tana, munĵu tumbun bizin tiwwa raama isu lele bilimĵana. Mi gorgori yok ireere pa. Tamen wal nĵarĵan pakan tisombe pat tana, ina sua tooroĵana pa Anutu itunu. Pa ni iwwa raama zin mi ipombolmbol zin. Re Lo 32:4,31. * **10:3-4:** Kam 16:14+, 17:1+; Nam 20:1+; Mbo 78:15-24 * **10:5:** Nam 14:29+; Mbo 106:26; Ibr 3:17+; Yud 5

⁶ Mbulu boozomen ta ipet pizin, ina iso iti ta kembei: Kokena tuur lelende pa koron sananjan kembei ta zin na, to iti tomini tala lende.✧ ⁷ Tana kembeeze pizin merere pakaamjan kembei ta munju zin Israel pakan tikam na pepe. Pa sua ki Anutu iso ta kembei:

Zin tomtom mbulen su, mi tikanan ma tiwinin, to tisu na tikam mbulu bozboozo.✧

⁸ Mi takam mbulu kizin me ma nge pepe. Pa zin Israel pakan tikam ta kembei, mi tomtom kizin 23,000 timetmeete pa aigule tamen nonoono.✧ ⁹ Mi totoombo Merere mburaana pepe. Pa zin Israel pakan tikam ta kembei, to mooto sananjan tipet, mi tipasaana zin ma timetmeete.✧ ¹⁰ Mi toyyo kwondo pa Anutu mi wal peeze kan kini pepe. Pa zin Israel pakan tikam ta kembei, to anjela ta ikamam zaaba pizin tomtom i, ikas zin ma timetmeete.✧

¹¹ Nonoono, mbulu boozomen tana ipet pizin Israel. Mi ina ipei ngar kiti tomini be matanda ingal itundu. Pa inji tombot la mazwaana kaimer kana tabe koron ta boozomen imappa i.✧ ¹² Tana sombe tomtom sa indemeere kembei imender mboljana, na ire i. Kokena itop.✧ ¹³ Toombojana boozomen ta tiwedet piom, ina raraate men pa toombojana ta gorgori tiwedet pizin tomtom ta boozomen. Tipa ndel som. Mi niom irao kapase pa Anutu. Pa toombojana ta so karao be kabaada som, na ni ko

✧ **10:6:** Nam 11:4; Mbo 106:14 ✧ **10:7:** Kam 32:6 ✧ **10:8:** Nam 25:1+; Mbo 106:29; Tur 2:14 ✧ **10:9:** Kam 17:2,7; Nam 21:5+; Mbo 95:9 ✧ **10:10:** Kam 12:33; Nam 14:1+; Ibr 3:11,17 ✧ **10:11:** Ro 15:4; 1Kor 7:29; 1Pe 4:7; 1Yo 2:18 ✧ **10:12:** Ro 11:20

iyok pa be ise tiom na som. Som kat. Mi sombe izem toomboŋana sa ma ipet piom, na ni kola iur leyom zaala tomini be koko pa. Naso kemender mbolŋana mi kilip pa toomboŋana tana.✧

Tombot molo pizin merere pakaamŋan mi urum kizin

¹⁴ Tana mbulu ki tembeeze pizin merere pakaamŋan na, kombot molo pa. O niom, nio leleŋ piom, tanata aŋkam sua taiŋgi piom.✧ ¹⁵ Niom leyom ŋgar. Tana ituyom irao kitiiri sua tio ti. ¹⁶ Iti sombe takan Pasa ma tiwin la mbooro, na tapakur Anutu mi lelede ambai pini pa kampeŋana kini. Mi iti tuute: Sombe tiwin la mbooro tana, inabe itiŋan Kriŋi tulup ti ma tewe tamen ma kembei siŋ kini iwe lende. Mi narabu ta tetete na, ta kembena. Sombe takan, inabe itiŋan Kriŋi tulup ti ma tewe tamen ma kembei mazaana iwe lende.✧ ¹⁷ Mi narabu tamen ta iti ta boozomen takan la, ina iwe kin kembei iti ta boozomen tulup ti ma tewe kembei tomtom tamen. Pa takan la narabu tamen tau.✧

¹⁸ Kakam ŋgar pa mbulu kizin Israel tomini. Sombe tikam patoronŋana, na mbili suruunu ta, tineene sala artaal pa Anutu. Mi suruunu toro na, zitun tikan bekena ziŋan Anutu tiparlup zin ma tiwe tamen.✧ ¹⁹ Kenako toso parei pizin merere pakaamŋan mi kini ta tikamam pizin na? Ina koronŋ ŋonoono? Som.✧ ²⁰ Patoronŋana ta wal matan munŋan tikamam lela urum kizin

✧ **10:13:** Mbo 68:19; 1Kor 1:9; 1Tes 5:24; 2Pe 2:9 ✧ **10:14:** Ngo 15:20; 2Kor 6:16+; 1Yo 5:21 ✧ **10:16:** Mk 14:22+; Ngo 2:42,46
 ✧ **10:17:** Yo 6:33+; Ro 12:5; 1Kor 12:13,27 ✧ **10:18:** Wkp 7:15
 ✧ **10:19:** 1Kor 8:4+

merere pakaamɲan, ina tikamam pa Anutu som. Tikamam pa zin bubuɲana sananɲan. Mi nio leleɲ be kagaaba zin pa mbulu tana pepe. Kokena niomɲan zin bubuɲana sananɲan kaparlup yom ma kewe tamen.✧ ²¹ Tana niom irao kiwin la Merere mbooro kini, to kusu mi kiwin la mbooro kizin bubuɲana sananɲan na pepe. Mi niom irao kakan kini ta imbot sala Merere mbalia kini, to kusu mi kakan kini ta imbot sala mbalia kizin bubuɲana sananɲan lela urum kizin na pepe.✧ ²² Kokena kakam ta kembei, to kapamalmal Merere keteene. Pa ni mata mburmburɲana. Mi parei, iti mburanda ilip pini?✧

Mbulu kiti ta boozomen bela iuulu waende bizin mi ipakur Anutu

²³ Tomtom tiom pakan tizzo ta kembei: “Niam amrao amkam mbulu ta boozomen. Koron sa ko iwe ɲgalsekɲana piam som.” Ina ambai. Tamen mbulu ta boozomen iuluulu iti som. Mi mbulu ta boozomen ipombolmbol ti som.✧ ²⁴ Mi takam ɲgar pa itundu men pepe. Takam ɲgar pa waende bizin be tu'uulu zin.✧

²⁵ Mi buzur ta so kere imbot su nol muriini na, kakam ɲgar boozo pa mi kiwi pa pepe. Irao kiɲgiimi mi kakan. Pa sombe imar pa urum ki merere pakaamɲana sa, ina koron sorok.✧ ²⁶ Pa sua ki Merere iso ta kembei: Toono ramaki koron boozomen ta timbot pa, ina koron ki Merere men.✧

✧ **10:20:** Lo 32:17; Mbo 106:37; Tur 9:20 ✧ **10:21:** 2Kor 6:15+
 ✧ **10:22:** Lo 32:21; Mbo 78:58 ✧ **10:23:** 1Kor 6:12 ✧ **10:24:**
 Ro 15:1+; 1Kor 13:5; Pil 2:4-21 ✧ **10:25:** 1Tim 4:4 ✧ **10:26:**
 Kam 19:5; Mbo 24:1

²⁷ Tana sombe tomtom sa ta iurla ki Krisi som na, iso piom be kala ruumu kini mi niomɲan kakan kini, mi sombe leleyom be kala, na irao kala. Mi kini pareiɲana ta so tikam piom na, kakan men. Kakam ɲgar boozo pa mi kiwi pa pepe.✧

²⁸ Tamen sombe tomtom sa isotaara yom kembei buzur tana imar pa urum ki merere pakaamɲana sa, na kakan pepe. Kokena kakan, to ni ikam ɲgar boozo piom, mi iso niom kakam ɲoobo.✧

²⁹ Nonoono, niom sombe kakan buzur tana, na kakam ɲoobo mbulu som. Mi kakam ɲgar pa waeyom tana. Kokena ni isombe niom kakam ɲoobo.

Mi nio aɲute: Tomtom pakan ko timaɲga ma tiso: “Niam ti amrao amyok pa tomtom toro sa be imboro yam na som. Ko tomtom toro sa irao be iso yam pa mbulu ambaiɲana mi mbulu sananɲana? Som kat!✧ ³⁰ Sombe ampakur Anutu pa kini tiam, mi leleyam ambai pini, na parei ta tomtom toro iyyo kwoono piam.”✧

³¹ Mi nio aɲso ta kembei: Niom sombe kakan, som kiwin, som kakam mbulu pareiɲana sa, na kakam mbulu ta boozomen be kapakur Anutu zaana pa.✧ ³² Tana kakam ɲgar pizin Yuda, mi zin Grik ta tiurla som na, mi lupɲana ki Anutu tomini. Kokena kakam mbulu sa ta irao pa ɲgar kizin som, to kapakaala zin pa Krisi, som kakam zin ma titop.✧ ³³ Kakam kembei ta nio i. Nio aɲkam ɲgar pa ituɲ som. Ingi aɲtomtoombo be aɲkam mbulu ta irao pa wal ta boozomen lelen ma ɲgar kizin.

✧ **10:27:** Lu 10:7+ ✧ **10:28:** 1Kor 8:7 ✧ **10:29:** Ro 14:14,16

✧ **10:30:** Ro 14:6; 1Tim 4:3+ ✧ **10:31:** Kol 3:17; 1Pe 4:11

✧ **10:32:** Ro 14:13+; 1Kor 8:13; 2Kor 6:3

Pa leleŋ be Anutu ikamke zin. Tana aŋso aŋkam mbulu tabe iuulu zin. ✧

11

¹ Tana koto yo pa mbulu tio, kembei ta nio aŋtoto Kriŋi pa mbulu kini. ✧

Zin moori bela tiurpe ruŋgun ma irao tomtom matan

² Nio aŋpakur yom pa mbulu tiom ta motoyom iŋgalŋgal sua tio ta boozomen. Sua tana, muŋgu tikam pio. Mi nio kadoono aŋkam piom, ta kikiskis men na. ✧ ³ Tamen leleŋ be niom kuute kat ta kembei: Kriŋi ta iwe uteene pa tomooto ta boozomen. Mi zin tomooto ta tiwe kusin bizin uten. Mi Anutu ta iwe uteene pa Kriŋi. ✧ ⁴ Tomooto boozomen ta sombe tipakaala uten ruunu pa koroŋ sa, mi tisun, som tiwe kembei Anutu kwoono be tiso kaŋaana pizin tomtom na, tipamian Kriŋi ta iwe uteene pizin na. ⁵ Mi moori boozomen ta sombe tipakaala uten ruunu som, mi tisun, som tiwe kembei Anutu kwoono be tiso kaŋaana pizin tomtom na, zin tomini tipamian kusin bizin ta tiwe uten na. * Moori ta kembei na, zin raraate kembei zin moori sananjan ta tomtom tipup uten ruunu ma isu lene lup bekena tipamian zin. ⁶ Tana sombe moori sa izooro mi leleene be ipakaala uteene som, na ambai be tipup uteene ruunu ma isu lene lup. Mi

✧ **10:33:** Ro 15:2; 1Kor 9:19+ ✧ **11:1:** 1Kor 4:16+; Pil 3:17; 2Tes 3:7+ ✧ **11:2:** 2Tes 2:15; 2Tim 1:13+ ✧ **11:3:** Un 3:16; 1Kor 15:27+; Ep 5:23; 1Pe 3:1,5+ * **11:5:** Zin ŋgarjan pakan tisombe sua ti ka uunu ta kembei: Zin moori ta tipakaala uten som mi tizunzun na, tipamian zitun, som tipamian kusin bizin. Pa kar Korin ŋgar kizin ta kembei: Sombe moori sa ipakaala uteene som, na ni moori naikikinjana.

sombe moori sa ka mianj be tipup uteene ruunu, na mataana ingal be ipakaala uteene.

⁷Tana tomooto, ni irao ipakaala uteene pepe. Pa ni iswe Anutu runguunu, mi imbot be iwit Anutu uruunu. Mi moori ta kembena. Sombe mbulu kini ambai, nako ikam ma waene uruunu ambai. ✧

⁸Kere. Tomooto mataana kana iyooto pa moori som. Moori ta iyooto pa tomooto. ⁹Pa Anutu iur tomooto munju, mana iur moori be iwe le gaabanjana. ✧ ¹⁰Tana zin moori bela len nger pizin anjela, mi tipakaala uten. Naso tikam kat mbulu.

¹¹Tamen iti moori ma tomooto ta tesekap la ki Krisi na, irao tombot ndelndelja na som. Zin moori len uraata pizin tomooto, mi zin tomooto ta kembena. Len uraata pizin moori. ¹²Kakam ngar pa Adam mi Eba. Mata popoten moori iyooto pa tomooto. Mi koozi na, tomooto tiyotyooto pizin moori. Mi Anutu itunu ta iwe uunu njonono mi ipiyotyooto koronj ta boozomen. ¹³Niom ituyom kitiiri. Sombe moori sa ipakaala uteene som, mi isun pa Anutu lela lupjana tiom, ko ambai?

¹⁴Mi itundu mbulu kiti ipaute iti pa koronj taiŋgi tomini. Sombe tomooto sa uteene ruunu biibi, ina ipamianji. ¹⁵Miombe moori sa uteene ruunu biibi, ina ikami ma niini ise. Pa ikam ma kaibiim kini ipet. Uteene ruunu biibi tana, ina Anutu itunu ikam pini bekena ipakaala uteene. ¹⁶Sua tio ti,ombe tomtom sa izooro pa, na pekeljana tio ta kembei: Niamjan lupjana ta boozomen ki Anutu amtoto mbulu tamen ta ti.

Zin Korin tipasaana mbulu ki Pasa

¹⁷ Ayo, inġi be anġpazal yom pa mbulu tiom pakan. Irao anġpakur yom na som. Ko anġyaamba yom. Pa sombe kuluplup yom pa sunġana, na iuluulu yom som. Ipasansaana yom.

¹⁸ Sua tio mataana kana ta kembei: Nio anġlen uruyom kembei niom, sombe kulup yom pa kini kanġana mi sunġana, na kaparyapalpaala yom ma kewe uunu boozo, mi kombotmbot ndelndelġa. Sua tana, nio anġso ko ġonoono. ✧ ¹⁹ Mbulu tiom ta kaparyapalpaala yom, ina ambai som. Mi tonġo. Kakam lak! Naso tere kat: Ziġoi ta urlaġana kizin ambai pa Anutu mataana. ✧

²⁰ Niom sombe kulup yom pa kini kanġana mi sunġana, na kini ta kakanan, ina kawatwaata be kini ki Merere. Mi som. ²¹ Pa kakam ġgar pa waeyom bizin mi kaparsa yom som. Kombotmbot ndelndelġa, mi ituyam tatanġa kakanan kini tiom tiom. Tana tomtom ta, ni ikan som mi peteli. Mi toro na, ni ikam ka kini biibi mi iwin ma ikankaana. ²² Parei, niom tina karao be kakan mi kiwin ila ruumu tiom som? Niom leleyom be kerepiili lupġana ki Anutu mi kapamianġ waeyom bizin ta len koroġ som na? Ko anġso parei piom? Anġpakur yom pa mbulu tiom tana? Som kat! ✧

²³ Sua ta anġkam la ki Merere, ta munġu anġkam piom na. Sua ta kembei: Indeenġe mbenġ ta Yudas iur Yesu ila ka koi bizin naman na, Yesu ikam narabu. ✧ ²⁴ Mi ipakur Anutu pa, to itete mi iso: “Inġi nio mozoġ. Pa nio ko anġkam muriyom mi anġmeete piom. Kakam mbulu ti bekeno motoyom

✧ **11:18:** 1Kor 1:10+, 3:3 ✧ **11:19:** 1Yo 2:19 ✧ **11:22:** Yems 2:5+ ✧ **11:23:** Mt 26:26+; Mk 14:22+; Lu 22:17+

injal yo.” ²⁵ Tikan kini makin, to ikam mbulu raraan men pa mbooro. Itege mi iso: “Mbooro ti, inji sinj tio tabe ireere be ipiyooto zaala poponjana tabe Anutu zinan zin tomtom tiparlup zin ma tiwe tamen. Gorgori ta niom sombe kiwin la mbooro ti, na kakam mbulu ti bekenam motoyom injal yo.” ✧

²⁶ Yesu sua kini tana iso iti ta kembei: Gorgori ta niom sombe kakan narabu tana mi kiwin la mbooro tana, na koozoyaryaara meetenana ki Merere uruunu ma irao miilinana kini. ✧

²⁷ Tana mazwaana ta sombe takan narabu mi tiwin la mbooro ki Merere, sombe tomtom sa ikam mbulu ta indeene som, na iwe le uunu. Pa ina kembei ni ikam Merere mazaana mi sinjiini ma iwe kembei koronj sorok. ²⁸ Tana tomtom tatanja bela titiiri zitun munju, tona tikan narabu mi tiwin la mbooro. ✧ ²⁹ Pa iti ta tombot lela lupjana ki Krisi na, tewe kembei Krisi namaana, kumbuunu, mi koronjana ta boozomen. Mi wal ta tikamam noobo zin tonmatizij kizin ta ki Krisi i na, tikilaala koronj tana som. Wal ta kembei, sombe tikan Merere mazaana mi tiwin la mbooro na, tikam sorok. Tana Anutu ko iur kadoono pizin. ³⁰ Uunu tina ta tomtom tiom boozo mete ikamam zin ma mburan imap. Mi pakan na, timetmeete kek. ³¹ Mi be titiiri kat itundu munju, so Anutu iur kadoono piti som. ³² Tamen ni isombe iur kadoono piti mi ibalis ti, ina ambai. Pa ina, ni ikam bekenam ipazal ti. Kokena izem ti ma tikiskis sanaana kiti, to mbenj kaimer iur kat kadoono piti, mi itinjan iwal biibi ki

✧ **11:25:** Kam 24:3+; Lu 22:20+; Ibr 8:8+, 9:15+ ✧ **11:26:** Yo 14:3; Ngo 1:11 ✧ **11:28:** 2Kor 13:5

toono tala lende. ☆

³³ Tana niom tonmatiziŋ tio, sombe kulup yom pa sunŋana mibe kakan kini ki Merere, na kasa waeyom bizin mi niom ta boozomen kakan raraate. ³⁴ Mi sombe tomtom sa peteli ma isaana, na ambai be ikan ka kini pataaŋa ta ruumu kini, mana ila pa lupŋana. Kokena lupŋana tiom isaana, to Anutu leleene ambai piom som, mi iur kadoono piom. Nio leŋ sua pakan tabe aŋsope yom pa, mi tonŋo. Ituŋ aŋma, tona aŋso.

12

Peeze ta ki Bubunana i

¹ O niom tonmatiziŋ tio, nio leleŋ be kakam kat ŋgar pa uraata ta Bubunana ipombolmbol yom pa ma kakamam.

² Motoyom imiili pa mazwaana ta kuute Anutu som na. Indeeŋe tana, zin merere pakaamŋan ta tirao be tiso sua som na, tikamam peeze piom mi tiyaryaaru yom pa mbulu sananŋana. ☆ ³ Tana nio aŋso aŋpaute yom ta kembei: Tomtom ta sombe Bubunana ikamam peeze pini, na ni ko irao ipiri sua sananŋana pa Yesu na som. Mi tomini bela Bubunana ikamam peeze pa tomtom, to tomtom tana irao iso raama leleene ta kembei: “Yesu, ni Merere.” ☆

Bubunana ipombolmbol iti be takam uraata mi mbulu matakiŋa

⁴ Anutu ipomoozo iti mi ipombolmbol ti ma takamam uraata mi mbulu matakiŋa ta ki

☆ **11:32:** Mbo 94:12+; 2Kor 7:10; Ibr 12:7+; Tur 3:19 ☆ **12:2:** Mbo 115:5+; 1Kor 6:11; Ep 2:11+; 1Tes 1:9 ☆ **12:3:** Mt 16:17; 1Yo 4:2+

Bubuᅇana i. Mi Bubuᅇana tamen ᅇonoono ta ipeyei uraata mi mbulu tana.✧ ⁵ Mi iti lende zaala matakija be tembeeze pa Merere. Mi Merere tamen ᅇonoono ta tembesmbeeze pini i.✧ ⁶ Mi iti takamam uraata matakija ta ki Anutu i. Mi Anutu tamen ᅇonoono ta ipombolmbol ti, mi ikamam lende mburanda be takam uraata tana.

⁷ Bubuᅇana, ni izzwe mburaana matakija ma ikot iti tataᅇa, bekenā tu'uulu lupᅇana ki Krisi pa.✧ ⁸ Tomtom ta na, Bubuᅇana ipomboli ma imbot kat mat pa Anutu ᅇgar kini, bekenā iso zin tomtom pa. Mi tomtom toro na, Bubuᅇana tamen ta ikam le ᅇgar pa koronᅇ pakan, bekenā iso zin tomtom pa. ⁹ To tomtom toro na, Bubuᅇana tamen ta ipomboli ma le urlaᅇana biibi. Mi tomtom toro na, Bubuᅇana tamen ta ipomoozi mi ikam le mburaana be iurpe zin metenᅇan ma nin nd-abok.✧ ¹⁰ Mi tomtom toro na, Bubuᅇana ikam le mburaana be itooro mos pakan. Mi tomtom toro na, Bubuᅇana ipomboli ma iwe kembei Anutu kwoono be iso kalᅇaana pizin tomtom. Mi tomtom toro na, Bubuᅇana ipomboli ma irao ikilaala mbulu ta iwedet i: Imar pa Anutu Bubuᅇana, som imar pizin bubuᅇan sananᅇan? To tomtom toro na, Bubuᅇana ikami ma iso sua pakaukaunᅇana ta tomtom tilenᅇ mi tikam ᅇgar pa som. Mi tomtom toro na, Bubuᅇana ipomboli ma irao itooro sua tana, bekenā tomtom tilenᅇ mi tikam ᅇgar pa.✧ ¹¹ Mbulu ta boozomen tana, ina imar pa Bubuᅇana

✧ **12:4:** Ro 12:6+; Ep 4:4; Ibr 2:4; 1Pe 4:10 ✧ **12:5:** Ep 4:11

✧ **12:7:** 1Kor 14:26; Ep 4:12; 1Pe 4:10+ ✧ **12:9:** Mk 16:17+; 1Kor 13:2; Yems 5:14 ✧ **12:10:** Nᅇo 2:4; Ro 12:6; 1Kor 14:5; 1Yo 4:1

tamen tau. Ni itoto itunu leleene mi ipeyei mbulu ta munjaana men tana ma ikot iti tomtom tatanja. Tomtom ta ikam mbulu ta, toro ikam mbulu toro.✠

Krisi tamen, mi ni koronjanjan boozo

¹² Iti tuute: Tomtom ta, ni koronjanjan boozo. Namaana, kumbuunu, mataana, ma. Mi koronjana ta boozomen tana ilup ma iwe tomtom tamen. Ina raraate pa Krisi wal kini.✠ ¹³ Pa iti ta boozomen takam Bubujana tamen. Mi Bubujana tana isalakaala iti, mi ilup ti ma tewe kembei ta tomtom tamen. Iti Yuda, mi Grik, mi mbesoojo, mi zin wal pakan ta tiwe mbesoojo som mi timboro zitun na tomini. Tana Anutu ikam Bubujana tamen nonono piti ta boozomen. Bubujana tana, ina kembei ta yok mata yaryaaranana. Pa ipombolmbol ti, mi ipayaryaara iti.✠

¹⁴ Iti tuute: Tomtom, ni koronjana tamen som. Ni koronjanjan boozo. Ina kembei iti. Pa Bubujana ipombolmbol ti ma takamam uraata mi mbulu matakiņa bekena tu'uulu lupjana ki Krisi. ¹⁵ Kere. Sombe tomtom kumbuunu ikam ngar ma iso: “A, nio ti anso anwe tomtom ti namaana, to ambai. Mi som. Tana ko anmet mi anla anbot ndel.” Ko sua kini tana ikami ma izem muriini, mi ila imbot ndel pa tomtom tana? Som. ¹⁶ Mi taljaana ta kembena. Sombe iso: “A, nio ti anso anwe tomtom ti mataana, to ambai. Mi som. Tana ko anmet mi anla anbot ndel.” Ko sua kini tana ikami ma izem muriini, mi ila imbot ndel pa tomtom tana? Som. ¹⁷ Mi parei? Sombe tomtom sa koronjana

✠ **12:11:** Ro 12:3+; 1Kor 7:7; Ibr 2:4 ✠ **12:12:** Ro 12:4+; 1Kor 10:17; Ep 4:4-16 ✠ **12:13:** Yo 6:63; Ro 10:12; Ga 3:28; Kol 3:11

ta boozomen titooro zin ma tiwe tomtom tana mataana men, ko ni irao be ileŋ sua? Som. Mi sombe koronjana ta boozomen titooro zin ma tiwe talnaana men, ko tomtom tana irao be iyoozo? Na som.

¹⁸ Mi Anutu, ni ikamam ta kembei som. Ni ito itunu leleene, mi iur iti tomtom koronjana ta boozomen ma timbot la murinmurin be tikam uraata kizin kizin. ✧ ¹⁹ Tamen sombe koronjana ta boozomen titooro zin ma tiwe koronjana tamen sa, inako parei? Ko tombot ambai? Som. ²⁰ Pa bela tomtom koronjana ta boozomen tilup mi tikam uraata kizin kizin, to tomtom tana imbot ambai. Mi ina raraate men piti. Pa Bubuana ipombolmbol ti ma takamam uraata mi mbulu matakina bekena tu'uulu lupana ki Krisi ma imbot ambai.

²¹ Tana tomtom mataana irao irepiili namaana ma iso: "Aiss, nu rao uulu yo na som." Mi uteene ta kembena. Irao iso sua ta kembei pa kumbuunu na som. ²² Kakam ngar pa koronjana pakan ta timbot la lelende i. Nonoono, koronjana timbol som. Tamen tikamam uraata biibi piti. Sombe timbot som, inako temetmeete. ²³ Mi koronjana pakan ta tere kembei ambai pe som mi kanda miaŋ pa, ina kembei tapakur zin. Pa matanda ingalngal kat be tapakaala zin. ²⁴ Mi koronjana pakan ta tere kembei ambaimbaiŋan na, takamam mbulu ta kembei pizin som. Timbotmbot mat men. Anutu itunu ta iur koronjana matakina, mi ilup zin ma tiwe tomtom tamen. Mi ipakur koronjana pakan ta tere zin kembei ambai pe som na, ma

✧ **12:18:** Ro 12:3; 1Kor 3:5

ilip pa koronɔnda pakan. ²⁵ Pa ni leleene be koronɔnda timbot ndelndelɔa pepe, mibe tilup ma tiwe tamen, mi lelen par pizin mi tiparuulu zin. ²⁶ Iti tuute: Sombe koronɔnda sa ire yoyouɔana, inako koronɔnda ta boozomen tire yoyouɔana. Mi sombe tipakur koronɔnda sa, nako koronɔnda ta boozomen menmeen zin tomini.

²⁷ Lupɔana tiom, ta iwe kembei Kriisi itunu. Mi tomtom tiom tataɔa na, kewe kembei Kriisi koronɔnanɔn. Pa kakamam uraata mi mbulu matakiɔa bekena kopombol lupɔana tiom tana.✧

²⁸ Takam nɔar pa lupɔana ki Kriisi. Anutu iur zin nɔonɔana ma tiwe mataana pa, to zin wal ta tiwe kembei ni kwoono be tiso kalɔaana pizin tomtom. Mi iwe tel pa na, zin wal ta tipaute zin tomtom pa Anutu nɔar kini. To zin wal ta titortooro mos, mi zin wal ta ni ipomoozo zin mi ikam len mburan be tiurpe zin metenɔan, mi zin wal ta tiuluulu zin tomtom, mi zin wal ta len nɔar ambaiɔana be tikam peeze pa uraata, mi zin wal ta Bubunɔana ipombol zin ma tirao be tiso sua pakaukaunɔana ta tomtom tirao be tikam nɔar pa som na.✧ ²⁹ Parei? Wal ta boozomen tiwe nɔonɔana? Som wal ta boozomen tiwe kembei Anutu kwoono be tiso kalɔaana pizin tomtom? Som wal ta boozomen tirao be tipaute zin tomtom? Som wal ta boozomen tirao be titooro mos? ³⁰ Som ni ipomoozo wal ta boozomen ma tirao be tiurpe zin metenɔan? Som wal ta boozomen tirao be tiso sua pakaukaunɔana ta tomtom tikam nɔar pa som na? Som wal ta boozomen tirao be titooro sua ta kembei? Som. ³¹ Tana Anutu

✧ **12:27:** Ro 12:5; Ep 1:23, 5:30; Kol 1:24 ✧ **12:28:** Nɔgo 13:1; Ro 12:6+; Ep 2:20, 4:11+

ipomoozo iti mi ipombol ti be takam uraata mi mbulu matakiŋa ta ki Bubunŋana i. Mi niom kozo kakam kinkiini pa uraata mi mbulu ta ambaim-bainan ma ilip. Mi ingi be anso yom pa zaala ta ambainana kat.✧

13

Mbulu ki lelende par piti, ina ilip pa uraata mi mbulu boozomen ta ki Bubunŋana i

¹ Nio sombe anrao be anso sua ila karkari kalŋan, som zin anela kalŋan, mi tamen anur leleŋ pizin tomtom som, na nio kembei koŋ ta itanŋan sorok, som kombom ta tizze sorok. ² Mi sombe anwe kembei Anutu kwoono be anso kalŋaana pizin tomtom, mi anute ngar kini turkenŋan ta munŋaana men, mi ankam ngar ta boozomen ma imap, mi urlanana tio biibi kat mi anrao anso pa abal boozomen ma tila len, mi tamen anur leleŋ pizin tomtom som, na nio koron sorok. ✧ ³ Mi sombe anrai koron tio ta boozomen pizin wal sorrokŋan, mi anzem itun ila tomtom naman be tineene yo pa you, mi tamen anur leleŋ pizin tomtom som, ina tomini irao iuulu yo risa som. ✧

⁴ Iti sombe tuur lelende pizin tomtom, nako takampewe zin. Mi sombe tikam pataŋana piti, nako ketende malmal som, mi tabaada men. Mi sombe tuur lelende pizin tomtom, nako matanda mburbur pizin som, mi tapakurkur itundu ma toso tilip pizin som. ✧ ⁵ Mi takam noobo zin som, mi takam ngar pa itundu men som. Mi ko loŋa

✧ **12:31:** 1Kor 14:1 ✧ **13:2:** Mt 17:20; 1Kor 12:8+, 12:28

✧ **13:3:** Mt 6:2 ✧ **13:4:** 1Pe 4:8

ketende malmal pizin som, mi matanda ingalngal sanaana kizin som. ✧ ⁶ Sombe tuur lelende pizin tomtom, mi pataņana sa isombe indeeņe zin, nako menmeen ti pa pataņana kizin som. Mi ko lelende ambai pa sua ma mbulu ņonoono. ✧ ⁷ Mi mazwaana ta boozomen, sombe tomtom tikam ņoobo iti, nako tokototo itundu mi tabaada men. Mi ko takam ņgar ambaiņana men pizin tomtom, mi tuur matanda pa Anutu be ikampe zin. Mi mbulu pareiņana ta so ipet piti, nako tu'urur lelende pizin men. ✧

⁸ Mbulu ki tuur lelende pizin tomtom, ina irao imap na som. Tamen mbulu ki tewe kembei Anutu kwoono be toso kalņaana pizin tomtom, nako imap. Mi mbulu ta Bubunana ipombol iti ma toso sua pakaukaunana ta tomtom tikam ņgar pa som, inako imap. Mi mbulu ta Bubunana izzwe Anutu ņgar kini piti, ina tomini ko imap. ⁹ Pa iti takam kat ņgar zen. Takam supurpuuru men. Mi mbulu ki tewe kembei Anutu kwoono mi toso kalņaana pizin tomtom, ina tomini takam supurpuuru men. ✧ ¹⁰ Mi talala ma koron ambai komboono iso ipet, tona mbulu boozomen ta takamam supurpuuru men na, ko timap. ✧

¹¹ Muņgu indeeņe ta nio pikin na, sua tio, leleņ, mi ņgar tio kembei ta zin pikin i. Mi iņgi aņwe kolman kek. Tana aņmap pa mbulu kizin pikin. ✧

¹² Koozi tere koron saamba kan kunun men, kembei tomtom ta itiiri itunu ila yok. Tamen

✧ **13:5:** Ro 13:10; 1Kor 10:24,33; Pil 2:4 ✧ **13:6:** Mbo 15:2+; Ro 1:32, 12:9; 1Pe 1:22; 2Yo 4 ✧ **13:7:** Ro 15:1; Ga 6:2; 2Tim 2:24; 1Pe 4:8 ✧ **13:9:** 1Kor 8:2+ ✧ **13:10:** Ep 4:13; Pil 3:12 ✧ **13:11:** 1Kor 3:1

kaimer ko tere kat. Koozi nio ankam supurpuuru ngar. Mi kaimer to anjute kat, kembei ta Anutu iute kat yo. ✧

¹³ Tana koozi mbulu bibip tel ta timbotmbot i: urlanana, mbulu ki tuur matanda pa koron nd-aboknana tabe Anutu ikam piti i, mi mbulu ki tuur lelende pizin tomtom. Mi mbulu ki tuur lelende pizin tomtom, ta ambainana ma ilip pa mbulu tel tina. ✧

14

Mbulu ki tewe kembei Anutu kwoono mi toso kalnana pizin tomtom, ina ilip pa mbulu ki toso sua ta tomtom tikam ngar pa som

¹ Tana kakam toto mbulu ki lelende par piti, mi koron boozomen ta imar pa Bubunana i. Mi koron kini tabe kakam kinkiini pa kati, ina mbulu ki tewe kembei Anutu kwoono mi toso kalnana pizin tomtom ila sua ta tirao be tilen mi tikam ngar pa. ² Pa tomtom ta sombe Bubunana ipomboli ma iso sua pakaukanana ta tomtom tirao be tikam ngar pa som na, ni izzo sua pizin tomtom som. Ina ni izzo sua turkenana pa Anutu tau. Tana tomtom tilen mi tikam ngar pa som. ✧ ³ Mi wal ta so Bubunana ipombol zin ma tiwe kembei Anutu kwoono be tiso kalnana pizin tomtom, ina tipombol zin tomtom, mi tiuulu ngar kizin, mi tipotor lelen. Pa sua ta tiso, ina tomtom tirao be tilen mi tikam ngar pa. ⁴ Tana tomtom ta sombe Bubunana ipomboli ma iso sua pakaukanana ta tomtom

✧ **13:12:** Mbo 17:15; 2Kor 3:18, 5:7; 1Yo 3:2; Tur 22:4 ✧ **13:13:** Kol 1:4+; 1Tes 1:3, 5:8; 1Yo 4:16 ✧ **14:2:** Ngo 10:46

tirao be tikam ngar pa som na, ni ipombol itunu men. Mi tomtom ta so iwe kembei Anutu kwoono, mi iso kaljaana pizin tomtom ila sua ta tirao be tileŋ mi tikam ngar pa na, ni ipombol lupjana ki Kriŋi.

⁵ Nio leleŋ be Bubujana ikam yom ta boozomen ma koso sua pakaukauna. Mi leleŋ ilip kat be kewe kembei Anutu kwoono mi koso kaljaana pizin tomtom ila sua ta tirao be tileŋ mi tikam ngar pa. Pa tomtom ta sombe iso sua pakaukauna na, bela itooro sua tana ila tomtom zitun kaljan, to ambai. Mi so som, na tomtom ta so iwe kembei Anutu kwoono mi iso kaljaana pizin tomtom ila sua ta tirao be tileŋ mi tikam ngar pa na, uraata kini ambai ma ilip. Paso, ipombol lupjana ki Kriŋi.✧

⁶ O niom toŋmatizij tio, sombe aŋma mi aŋso sua pakaukauna ta karao be kakam ngar pa som, inako aŋuulu yom be parei? Som. Pa bela aŋso sua pa koron pakan ta Anutu iswe mar tio, som aŋpaute yom pa ngar pakan, som aŋwe kembei Anutu kwoono mi aŋso kaljaana piom ila sua ta niom karao be kelen mi kakam ngar pa, to aŋuulu yom. ⁷ Kakam ngar pa koron pakan ta kalaŋan som mi titaŋtaŋ na, kembei ta kombom mi mamaaza. Sombe titaŋ kat som, inako tomtom tiute mboe ka nger be parei? ⁸ Mi twiiri ta tiwi be tiboobo zin tomtom pa malmal na, ta kembena. Sombe itaŋ kat som, nako tomtom tiurpe zin pa malmal be parei? ⁹ Ina raraate piom. Sombe koso sua ta tomtom tirao be tileŋ som, nako tikam ngar pa be parei? Som. Sua tiom tana ko iwe miiri men.

✧ 14:5: Nam 11:26,29

¹⁰ Nonoono, tomtom ta timbot su toono na, tizzo kalɲan ndelndelɲa. Mi sombe tileɲ sua ila zitun kalɲan, na tikam kat ɲgar pa ka uunu. ¹¹ Tamen sombe tomtom sa izzo sua mi nio aɲute kalɲaana som, nako niamru amparre yam kembei wal ndelndelɲa. ¹² Niom tina kakam kinkiini pa uraata mi mbulu matakiɲa ta ki Bubunɲana i. Ina ambai. Mi kakam kinkiini kat pa uraata mi mbulu kini ta ipombolmbol lupɲana ki Kriɲi na.

¹³ Tana tomtom ta so Bubunɲana ipomboli ma iso sua pakaukaunɲana ta tomtom tikam ɲgar pa som na, bela isunɲ pa Anutu be iuuli ma irao itooro sua tana ila tomtom zitun kalɲan. Naso tileɲ mi tikam kat ɲgar pa. ¹⁴ Nio sombe Bubunɲana ipombol yo ma aɲkam sunɲana tio ila sua pakaukaunɲana, ina Bubunɲana ta imbot la leleɲ i ta izzo sua tana. Mi ɲgar tio na ikam som. ¹⁵ Tana ko aɲkam parei? Bubunɲana ta imbot la leleɲ i ko isunɲ, mi ko aɲsun raama ɲgar tio tomini. Mi Bubunɲana ta imbot la leleɲ i ko imbo mboe pakunɲana pa Merere, mi ko aɲbo raama ɲgar tio tomini.✧ ¹⁶ Re. Sombe Bubunɲana ta imbot la lelem i izunɲunɲ mi ipakurkur Anutu, mi sombe tomtom toro ta ni ikankaana pa sua ku na imbot raama yom, inako ni irao iyok pa sua ku tana mi iso “ɲonoono” be parei? Som. Pa sua ta zzo i, ni ikam ɲgar pa som. ¹⁷ Nonoono, nu zzo sua ambainɲana mi pakurkur Anutu. Tamen sua ku ipombol tomtom tana som.

¹⁸ Nio leleɲ ambai pa Anutu mi aɲpakuri paso, aɲlip pa niom ta boozomen pa mbulu ki takam sunɲana ila sua pakaukaunɲana. ¹⁹ Tamen sombe

✧ **14:15:** Mbo 136:1; Ep 5:19; Kol 3:16

niamŋan Anutu wal kini amlup yam pa suŋŋana, na leleŋ be aŋso sua ta tomtom ta boozomen tirao be tileŋ mi tikam ŋgar pa. Sombe aŋso sua lamata men ta tomtom tirao be tikam ŋgar pa, ina ambai ma ilip pa sua munŋaana ma munŋaana kat (10,000) ta tomtom tirao be tikam ŋgar pa som na. ²⁰ Niom toŋmatiziŋ tio, kakam ŋgar kembei zin pikin ndabok. Nonoono, koroŋ sananŋan na, niom sombe kakam ŋgar pa som kembei ta zin pikin i, ina ambai. Tamen koroŋ ambaimbaiŋan, to kakam kat ŋgar pa, kembei ta zin kolman.✧

²¹ Sua ki Anutu iso ta kembei: Muŋgu indeeŋe Merere keteene malmal pizin Israel na, ikam sua pizin ma iso:

Nio ko aŋkam lele pakaana toro ka tomtom bizin ta kalŋan ndelŋan na, ma timar. Mi zin ko tiwe kwon mi tiso kalŋon pizin wal tio ti. Tamen kalŋon tabe wal tana tiso i, na wal ti ko tileŋ la som.✧

²² Tana mbulu ki toso sua pakaukaunŋana ta tomtom tirao be tikam ŋgar pa som, inabe ipei ŋgar pizin wal urlaŋan som. Mi sombe zin wal ta tiurla som na tileŋ sua ta kembei, ina ikam zin ma tikankaana. Tana iswe zin kembei tiwe Anutu lene zen, mi kete malmalŋana kini imbotmbot men se kizin. Mi mbulu ki tewe kembei Anutu kwoono bizin mi toso kalŋaana pizin tomtom, ina iwe kilalan pizin wal urlaŋan kembei Anutu imbotmbot la mazwan. Mi zin wal ta tiurla som, na som.

✧ **14:20:** Mt 18:3; Ro 16:19+; 1Kor 3:1; Ep 4:14+; Ibr 5:12+

✧ **14:21:** Yesa 28:11+

23-24 Tana kere yom. Sombe kulup yom pa sunɲana, mi niom ta boozomen kozzo sua pakaukaunɲana ta tomtom tirao be tikam ngar pa som na, mi sombe wal pakan ta tiurla som mi tikankaana pa Anutu na, tilela mi tigaaba yom pa sunɲana tiom, inako tire mi tiso niom kankaanaɲoyom kat! Tamen sombe tomtom ta kembena ilela mi ileɲ tomtom boozomen ta tiwe kembei Anutu kwoono mi tizzo kalɲaana ila sua ta ni irao be ikam ngar pa, inako ipei ngar kini ma ikilaala sanaana kini mi kadoono tabe Anutu ikam pini i. ✧ 25 Pa ni ko iyamaana kembei ngar kini turkeɲan ta imbot la leleene i, ina tiswe ma imbot mat lup kek. Tana ko itop su toono, mi ipakur Anutu ma iso: “Nɔnoono kat, Anutu imbotmbot la mazwoyom.” ✧

Mbulu pakan tabe takam, to sunɲana iloondo ambai

26 Tana niom tonmatiziɲ tio, ko toso parei? Sombe kulup yom pa sunɲana, na niom tataɲa kakam uraata ikot yom. Tomtom ta, imbo mboe. Mi toro na, ni ipaute yom pa sua ki Anutu. Mi toro, ni iso yom pa koronɲ pakan ta Anutu iswe pini na. Mi toro, ni iso sua pakaukaunɲana ta tomtom tirao be tikam ngar pa som na, som itooro sua ta kembena ila niom kalɲoyom beken a keleɲ mi kakam ngar pa. Mi mbulu boozomen ta so kakam, na kakam beken a kopombol lupɲana ki Kri si. ✧

27 Zin wal ta so Bubunɲana ipombol zin ma tiso sua pakaukaunɲana na, sombe wal ru, som tel sa tiso, ina irao. Mi sombe koso sua, na niom ta

✧ 14:23-24: Yo 16:8; Ngo 2:13 ✧ 14:25: Yo 4:19 ✧ 14:26: Ro 14:19; 1Kor 12:7+; Ep 4:12

boozomen kamaŋga raraate pepe. Tomtom ta iso sua kini ma imap, tona toro irao iso sua kini. Mi bela tomtom sa itooro sua kizin. Naso tomtom tileŋ mi tikam ŋgar pa. ²⁸ Mi sombe tomtom sa irao be itooro sua kizin som, na tiso ma kalŋan biibi lela lupŋana ki Kriŋi pepe. Timbot mi tisun pa Anutu la lelen men.

²⁹ Mi zin wal ta tiwe kembei Anutu kwoono be tiso kalŋaana pizin tomtom na, ta kembena. Wal ru, som tel sa tiso sua kizin, to tomtom pakan bela titiiri sua kizin. Ito Anutu ŋgar kini, som som? ³⁰ Mi sombe tomtom sa izzo sua, mi Anutu iswe koron sa pa tomtom toro ta mbuleene isu ma imbotmbot, na bela tomtom mataana kana imbot munŋu, mi tomtom toro tana iso sua kini. ³¹ Tana niom wal ta so kewe kembei Anutu kwoono mi koso kalŋaana pizin tomtom na, bela kakam ta kembei: Tomtom ta, iso sua kini ma imap, tona tomtom toro iso sua kini. Naso tipaute tomtom ta boozomen mi tipombol zin. ³² Pa Bubunana isombe izeebe tomtom sa ma iwe kembei Anutu kwoono be iso kalŋaana pizin tomtom, na tomtom tana irao iyaraama itunu ma imbot, mi tomtom toro iposop sua kini munŋu. Tona ni kadoono iso sua. ³³ Pa Anutu, ni leleene be uraata kini iloondo ambai men. Kokena tomtom tiyo orooro pa sua kini. Mi ni leleene be tombot la mbulu luumunana men. Anutu wal kini potomŋan ta boozomen tikamam mbulu ta kembei lela lupŋana kizin.

³⁴ Niom sombe kulup yom pa sunŋana, na zin moori bela timaane men. Irao tiso sua pepe. Bela

✧ **14:29:** Ngo 17:11; 1Tes 5:20+; 1Yo 4:1

tikoto zitun kembei ta tutu iso na. ✧ ³⁵ Mi sombe len wiņana pakan, na tila ruumu kizin to tiwi kusin bizin. Pa sombe moori sa iso sua ilela lupņana, na tere kembei ambai som.

³⁶ Mi niom ta koso kozooro la kalņoņ na, parei? Sua ki Anutu ipet tiom muņgu, mana ila pizin karkari? Som niom men ta kakam sua ki Anutu?

³⁷ Sombe tomtom sa iso iwe Anutu kwoono be iso kalņaana pizin tomtom, som indemeere kembei Bubunana ikamam peeze pini, na ni irao iyok pa sua ta aņbeede piom i, mi ikilaala kembei ina Merere tutu kini. ✧ ³⁸ Mi sombe tomtom sa itit sua tio ti, na ni tomini Anutu ko ititi.

³⁹ Tana niom toņmatiziņ tio, kakam kinkiini pa mbulu ki tewe kembei Anutu kwoono mi toso kalņaana pizin tomtom ila sua ta tirao be tileņ mi tikam ņgar pa. Mi zin wal ta so Bubunana ipombol zin ma tiso sua pakaukaunana ta tomtom tirao be tikam ņgar pa som na, kepeteke zin pepe. ✧

⁴⁰ Mi sombe kulup yom pa sunņana, na kakam kat mbulu. Naso sunņana tiom iloondo ambai men mi indeeņe. ✧

15

Krisi imeete mi imanņa pa naala kek

¹⁻² O niom toņmatiziņ tio, nio aņso aņpei ņgar tiom mini pa uruunu ambaiņana ta aņsoyaara piom ma kakan la kek na. Uruunu ambaiņana tina, ta koozi kemendernder se, mi iwe zaala piom be Anutu ikamke yom. Tamen niom bela kikiskis sua

✧ **14:34:** 1Kor 10:32; 1Tes 5:23; 1Tim 2:11+ ✧ **14:37:** 2Kor 10:7; 1Yo 4:6 ✧ **14:39:** 1Kor 12:31; 1Tes 5:20 ✧ **14:40:** 1Kor 14:33; Kol 2:5

ta munḡu anḡsoyaara piom na. Kokena kezem, to urlanḡana tiom iur ḡonoono som.✠

³ Sua biibi kat ta munḡu tikam pio, mi nio anḡkam piom ma keleḡ kek, ina ta kembei: Kriḡi, ni ikam murindi mi imeete pa sanaana kiti, kembei ta sua ki Merere iso na.✠ ⁴ Mi titwi i ma ka aigule iwe tel pa, to Anutu ipei i ma imanḡa pa naala. Ina tomini ito sua ta imbot pataḡa kek na.✠ ⁵ Mi Petrus ire kati munḡu, to nanḡanḡ kini pakan tire i.✠ ⁶ To aigule ta na, ipet kizin tonmatiziḡ kiti 500 mi kwoono, mi tire i lup. Wal tana, kizin boozomen ta timbotmbot men i. Mi tomtom kizin tataḡa, na ra, timetmeete kek. ⁷ To ni ipet ki Yems, mana ipet kizin ḡoḡana ta boozomen.✠ ⁸ Mi ta imap pa na, ipet tio tomini mi anḡre kati. ḡonoono, zaala ta anḡwe ḡoḡana pa i, ina ipa ndel pa zaala kizin ḡoḡana pakan.✠ ⁹ Nio anḡkemer kat pizin ḡoḡana ki Kriḡi. Mi nio ambainḡ be zoḡ pa uraata ki ḡoḡana na som. Pa munḡu anḡseseze Anutu wal kini matan.✠ ¹⁰ Mi kampeḡana ki Anutu, ta itooro yo ma anḡwe kembei. Mi kampeḡana kini tana iwe koronḡ sorok som. Iur ḡonoono. Pa nio anḡbel uraata ma anḡlip pizin ḡoḡana pakan. Mi nio som. Kampeḡana ki Anutu, ta imbotmbot raama yo mi ipombolmbol yo ma anḡkamam uraata.✠ ¹¹ Tana nio, som ḡoḡana pakan, sombe amkam sua pizin tomtom, na amzzo sua ta tina. Mi ina sua ta munḡu

✠ **15:1-2:** Ro 1:16+; 1Kor 3:5+; Ga 1:11+, 3:4 ✠ **15:3:** Yesa 53:5+; Ga 1:4,12; 1Pe 2:24 ✠ **15:4:** Mbo 16:8+; Lu 24:26,46 ✠ **15:5:** Mk 16:14; Lu 24:34+; Yo 20:19 ✠ **15:7:** Ngo 1:3+ ✠ **15:8:** Ngo 9:3+; 1Kor 9:1 ✠ **15:9:** Ngo 8:3, 9:1; Ga 1:13; Ep 3:8; 1Tim 1:13+ ✠ **15:10:** Ro 15:18+; 1Kor 3:10; 2Kor 11:5,23; Pil 2:13

kelenj mi kuurla na.

Anutu ko ipei zin wal urlanjan ma timanja mini pa naala

¹² Gorgori na, amzzoyaryaara sua ta kembei: “Anutu ipei Kresi ma imanja pa naala kek.” Kena parei ta tomtom tiom pakan tizzo sua kankaanajana ma tiso zin meetenjan tirao be timanja mini som? ¹³ Kere. Sombe sua kizin tana nonono, mi zin meetenjan tirao be timanja mini som, na Kresi tomimi, Anutu ipei i ma imanja som. ¹⁴ Mi sombe Anutu ipei Kresi ma imanja som, na sua ta amkamam pizin tomtom, ina koronj sorok. Mi urlanana tiom ta kembena. Ina koronj sorok. ¹⁵ Mi tina men som. Sombe Kresi imanja pa naala som, na niam tainji wal pakamkaamjoram. Paso, ampombolmbol sorok sua pakaamjana pa Anutu, mi amzzo ni ipei Kresi ma imanja pa naala kek. Tamen sombe sua tiom tana nonono, mi zin meetenjan tirao be timanja mini som, na Kresi tomimi, Anutu ipei i ma imanja som.✧ ¹⁶ Anso mini. Sombe zin meetenjan tirao be timanja mini som, na Kresi tomimi, Anutu ipei i ma imanja som.✧ ¹⁷ Mi sombe Anutu ipei Kresi ma imanja som, na urlanana tiom koronj sorok, mi niom kombotmbot men raama sanaana tiom. ¹⁸ Mi zin wal ta tiurla ki Kresi mi timetmeete na, zin tomimi tila len kek.✧ ¹⁹ Iti tu'urur matanda pa manjanana kizin wal meetenjan mi mbotjana ki kar saamba tabe Kresi ikam piti i. Tamen sombe mbotjana tana koronj nonono som, mi urlanana kiti iuluulu iti pa

✧ **15:15:** Ngo 2:24,32+, 4:33, 5:32, 13:30 ✧ **15:16:** Ro 8:11; 1Tes 4:14 ✧ **15:18:** 1Tes 4:14

mboṭṭana kiti ta ki toono men, na ra, tembel ti kek. Wal ta boozomen ko lelen isaana piti ma ilip kat.

²⁰Tamen som! Pa Anutu ipei Krisi ma imanga pa naala kek. Ni ta iwe mataana pizin wal meeteṅan tabe timanga pa mbeṅ kaimer i.✧ ²¹Kere. Muṅgu tomtom tamen ta iwe zaala pa meeteṅana ma ipet. Mi ina raraate pa manḡaṅana kizin wal meeteṅan. Tomtom tamen ta iwe zaala pa.✧ ²²Koozi, tere iti tomtom ta toyooto pa Adam na, tamap ma temet-meete. Mi zin wal ta tisekap la ki Krisi i, na kaimer Anutu ko ipei zin ta boozomen ma timap timanga matan yaryaara. ²³Tamen tomtom ta boozomen bela tito nol kizin kizin. Krisi imanga muṅgu. Pa ni ta iwe mataana. Mi talala ma sombe ni imiili ma imar, tona zin wal kini kadoono timanga.✧ ²⁴Tonabe toono swoono ipet, mi ni ipambiriizi koron sananḡan ta bibip, mi mburanḡan, mi zanḡan na, ma tila len lup. Mi ipimiili koron boozomen ta ni ikamam peeze pizin na, ma tila ki Tamaana Anutu mini. ²⁵Pa ni bela ikamam peeze ma irao ikoto ka koi bizin ta boozomen ma mburan imap kat, mi kumbuunu ise ḡguren.✧ ²⁶Mi ka koi kaimer kana kat tabe ni ipambiriizi i ma ila lene i, ina meeteṅana.✧ ²⁷Sua ki Anutu iso ta kembei: Anutu ko ikoto koron ta boozomen, mi iur zin ma timap timbot la Krisi kopo mbarmaana. Nonoono, sua ti iso koron ta boozomen ko timbot la Krisi kopo mbarmaana. Tamen iti tuute: Tamaana itunu, nako imbot la Krisi kopo mbarmaana som.✧

✧ **15:20:** Ngo 26:23; Kol 1:18; 1Pe 1:3; Tur 1:5 ✧ **15:21:** Yo 11:25; Ro 5:12+ ✧ **15:23:** 1Tes 4:15+; Tur 20:5 ✧ **15:25:** Mbo 110:1; Mt 22:44 ✧ **15:26:** Tur 20:14, 21:4 ✧ **15:27:** Mbo 8:6; Mt 28:18; Ibr 2:8; 1Pe 3:22

²⁸ Sombe Anutu ikam uraata tana ma imap, mi koroŋ ta boozomen timbot la Kriŋi kopo mbarmaana lup, tona Lutuunu ko iur itunu ma imbot la Anutu kopo mbarmaana. Naso Anutu imboro koroŋ ta boozomen, mi koroŋ ta boozomen timap ma tito kat ni leleene.✧

²⁹ Lak, sombe niom kuurla kembei zin meeteŋan tirao be timaŋga mini som, na parei ta wal tiom pakan tikamam yok be tiuulu zin wal meeteŋan? Sombe sua tiom tana ŋonoono, na kakamam mbulu tana paso? ³⁰ Mi niam tomimi, sombe sua tiom tana ŋonoono, na parei ta mazwaana ta boozomen ambadbaada sorok pataŋana pa Kriŋi zaana, mi amurur ituyam ila zaaba kwoono?✧

³¹ O niom toŋmatiziŋ tio, niom ta kakam yo ma niŋ ise paso, uraata tio iur ŋonoono piom ma kewe Merere kiti Yesu Kriŋi lene kek. Mi aŋso kat sua ŋonoono piom ta kembei: Aigule ta boozomen, nio aŋute som: Ko aŋbot, som aŋmeete?✧ ³² Kere. Sombe aŋto ŋgar soroksorok kizin tomtom men pa uraata ta aŋkamam i, na uunu parei ta aŋzem ituŋ mi niamŋan zin buzur saŋsaŋŋan amprou su kar Epeŋus. Aŋbaada sorok pataŋana tana paso? Sombe zin wal meeteŋan tirao be timaŋga mini som, na toŋgo. Takanan ma tiwinin mi turu lende mboti ambaiŋana isu toono. Pa gaaga, malama, to temetmeete.✧

³³ Wal pakan tipandelndel yom ndabok! Motoyom iŋgal ituyom. Tomtom ambaiŋana sa isombe igaaba zin wal sananŋan, inako tikeske i

✧ **15:28:** 1Kor 3:23; Pil 3:21 ✧ **15:30:** Ro 8:36; 2Kor 11:26

✧ **15:31:** Ro 8:36; 2Kor 4:10+ ✧ **15:32:** Nŋo 19:23+; 2Kor 1:8

ma ni tomuni, mbulu kini isaana. ³⁴ Niom katalli irao. Kakam kat ngar mi kezem mbulu tiom sananɲana. Koyom mianɲ som? Pa nio anso kat yom ta kembei: Tomtom tiom pakan, zin tiute Anutu risa som kat.✧

Sombe zin meetenɲan timanɲa mini, nako kulin pareinɲan?

³⁵ Tomtom sa ko iwi yo ma iso: “Sombe Anutu ipei zin meetenɲan ma timanɲa mini, nako ka zaala parei? Mi so timanɲa, nako kulin pareinɲan?”

³⁶ Nu kankaanaɲom! Sombe tapaaza koronɲ sa, na bela koronɲ tana isula toono ma kuliini tana ibuuzu, tona ipiyooto poponɲana ma ise.✧ ³⁷ Mi sombe tapaaza kini wit, som koronɲ toro sa ta kembei, na putuunu ta tapaaza na, runɲuunu raraate pa poponɲana ta ise pa kaimer i som. ³⁸ Pa Anutu ikam ma kini iweniwen mi koronɲ putunputun tipiyotyooto namannaman ma runrun ma nonon matakiɲa. Tito ni itunu leleene tau.

³⁹ Koronɲ ta timbotmbot su toono na, runɲun ndelndelɲa. Iti tomtom, runɲundu ta. Mi zin mbili ma buzur na, runɲun toro. Mi man na, runɲun toro. Mi ye ta kembena, runɲun toro.

⁴⁰ Koronɲ ta timbotmbot na, pakan ki toono, mi pakan na koronɲ saamba kan. Koronɲ saamba kan tipa ndel pa koronɲ toono kan. ⁴¹ Mi zonɲ azunɲka kini ipa ndel pa puulu. Mi pitik ta kembena. Azunɲka kizin ipa ndel pa zonɲ ma puulu. Mi pitik ta boozomen raraate som. Pitik pakan, azunɲka kizin ilip.

✧ **15:34:** Ro 13:11+; 1Kor 6:5; Ep 5:14; 1Tes 4:5 ✧ **15:36:** Yo 12:24

⁴² Ina raraate men pizin wal meetenan tabe timanga i. Sombe titwi iti ma tusula toono, na kulindi ibuuzu. Mi sombe Anutu ipei iti ma tamanga mini, inako ikam lende kulindi toro. Kulindi poponana tana ko irao isaana na som.✧

⁴³ Kulindi ta titwi sula toono, ina koron sorok. Tamen kaimer, sombe Anutu ipei iti ma tamanga mini, inako kulindi ndaboknana kat mi ka azunka biibi. Kulindi ta titwi sula toono na, mburaana biibi som. Mi so Anutu ipei iti ma tamanga mini, inako mburanda biibi.✧ ⁴⁴ Mi kulindi ta titwi sula toono na, koron ki toono. Mi sombe Anutu ipei iti ma tamanga mini, inako kulindi ambai pa mbotnana tabe takam su kar saamba i.

⁴⁵ Sua ki Merere iso ta kembei: Adam, ta tomtom mataana kana na, Anutu iuri ma imanga mataana iyaryaara. Mi Adam kaimer kana * na, ni bubunana ta irao ikam ti ma tombot matanda yaryaara.✧ ⁴⁶ Tana mbotnana ta ki Bubunana i tabe takam su kar saamba, ina imuungu som. Pa mbotnana ki toono ta ipet mungu, mana mbotnana ta ki Bubunana i. ⁴⁷ Adam mataana kana na, Anutu imbuuzi pa toono. Tana ni tomtom toono kana men. Mi Adam ta iwe ru pa na, ni imar pa kar saamba.✧ ⁴⁸ Wal toono kan na, zin kembei tomtom ta Anutu imbuuzi pa toono na. Mi zin wal tabe tila pa kar saamba i, nako tiwe kembei Ni ta imar pa saamba na. ⁴⁹ Ingi iti rungundu ma mbotnana kiti kembei tomtom ta ipet pa toono na. Mi kaimer,

✧ **15:42:** Mt 13:43 ✧ **15:43:** Pil 3:20+; Kol 3:4 * **15:45:** Adam kaimer kana na, Krisi tau. Mi ves 47 ipaati be Adam ta iwe ru pa na.

✧ **15:45:** Un 2:7; Yo 5:21, 6:33,39-54,63; Ro 5:15+ ✧ **15:47:** Un 3:19; Yo 3:13,31

nako runḡundu ma mbotḡana kiti iwe kembei Ni ta imar pa saamba na.✠

⁵⁰ O niom tonḡmatizij tio, nio aḡso kat piom ta kembei: Kulindi ta ki toono ti, ina irao be ikam mbotḡana ta ki kar saamba i na som. Bela itoori, to irao ikam mbotḡana tana. Pa kar saamba ramaki ka koronḡ ta boozomen na, tianzaana som. Tana koronḡ ta izanzaana i, ina irao ikam mbotḡana ta ki kar saamba i na som.✠

Meetenjana mburaana kola imap

⁵¹⁻⁵² Kelenḡ. Ingi be aḡso yom pa koronḡ ta munḡu ike, mi ingi Anutu iswe ma ipet mat kek. Iti ta boozomen ko temetmeete som. Pa sombe mbenḡ kaimer ipet, mi twiiri kaimer kana itaḡ, nako bil pa tamen mi Anutu itooro iti lup. To zin meetenjan ko timaḡga raama kulin munḡaana ta irao isaana mini som. Mi iti ta matanda yaryaara i na, Anutu ko itooro iti tomini.✠ ⁵³⁻⁵⁴ Pa kulindi ta izanzaana ma imeete i, bela itooro ma iwe koronḡ ndabokḡana ta irao isaana mini som. Mi bela iwe koronḡ mata yaryaaraḡana ta irao imeete mini som. Mbulu tana iso ipet, to Anutu sua kini iur ḡonoono. Sua ta kembei: “Anutu, ni ilip kek. Pa ipambiriizi meetenjana ma imap kat.”✠

⁵⁵ O meetenjana, mburom ingoi? Nu rao lip na som! O meetenjana, nu lem izi ingoi tabe ḡgal zin tomtom pa i? Som.✠ ⁵⁶ Pa izi ki meetenjana na, sanaana. Mi sanaana ikamam mburaana la ki tutu.✠ ⁵⁷ Tamen iti tapakur Anutu mi

✠ **15:49:** Un 5:3; Ro 8:29+; 1Yo 3:2 ✠ **15:50:** Yo 3:5+
 ✠ **15:51-52:** Mt 24:31; Pil 3:21; 1Tes 4:15+ ✠ **15:53-54:** Yesa 25:8;
 2Kor 5:4; Ibr 2:14+; Tur 20:14 ✠ **15:55:** Hos 13:14 ✠ **15:56:** Un
 3:3; Ro 3:19,20, 4:15, 5:12+, 7:5,13

lelende ambai pini! Pa Merere kiti Yesu Krisi ndomoono piti, tana ni ikamam ti ma tiliplip pa zin koronj tana.✧

⁵⁸ Tana niom tonmatizij tio ta leleŋ piom ilip na, kemender mbolŋana. Kezem kosa sa ma itok yom pepe. Mi motoyom siŋsiŋ pa uraata ki Merere pa mazwaana ta boozomen. Pa niom kuute: Uraata ta kakamam pini na, kakamam sorok som. Kola iur ŋonoono.✧

16

Paulus iso pa pat tabe zin Korin tiyogeege pa wal ki Krisi ta timbot ŋoobo su Yerusalem na

¹ Ayo, nio leŋ sua ri pa pat tabe koyogeege pa Krisi wal kini potomŋan ta timbot ŋoobo su Yerusalem a. Zaala ta nio anjur pizin lupŋana ki Anutu ta timbot lele pakaana ki Galesia na, niom tomini irao koto. ✧ ² Wik ta boozomen, aigule mataana kana iso ipet, na niom tataŋa bela ku'urur pat tiom pakan ta kakam pa wik tana na ila lae. Naso ipet ma iwe boozonŋana. Beso anŋma to anŋkam men. Kokena kakam ta kembei som, mi anŋma to anŋboboobo yom pa. Ina ambai som. ✧ ³ Sombe anŋma, to ituyom kuur wal pakan ta kere zin kembei tirao na, be tikam pat tana ma ila pizin Yerusalem kan. Mi nio ko anŋbeede sua sotaaraŋana pakan pa wal tana be tikam mi tila raama. ⁴ Mi sombe anŋre kembei ambai be nio tomini anŋla, nako niamŋan mi amla.

✧ **15:57:** Ro 8:37; 2Kor 2:14; 1Yo 5:4+ ✧ **15:58:** 1Kor 3:8; 2Pe 3:14; Tur 14:13 ✧ **16:1:** Ngo 24:17; Ro 15:25+; 2Kor 8:1–9:15

✧ **16:2:** Ngo 20:7

Paulus isombe ila ma ire zin Korin

⁵ Ingi nio anso anla anre zin Masedonia kan. Tana ko anla anre zin muṅgu, tona anma ma anre yom. ⁶ Mi anso ko itinjan tombotmbot ma moloṅana ri. Tana ko anbot tiom ma irao gorgor ki lomoṅana imap, tona niom irao kere yo pa pai tio, mi kuur yo ma anla pa lele swoi tabe anla pa i. ⁷ Tana sombe Merere leleene, na nio leleṅ be itinjan tombotmbot ma moloṅana ri. Pa leleṅ be anlou yom men mi anla pepe. ⁸ Tamen ko anbot men su kar Epesus ti muṅgu ma irao lupṅana biibi ki Pentekos. ⁹ Pa ingi Merere ikaaga kat kataama pio be ankam uraata biibi isu kar ti. Mi uraata tio iurur ṅonoono. Tamen wal boozo tizorzooro yo tomini. ✧

Paulus isotaara zin pa Timoti mi Apolos

¹⁰ Sombe Timoti ima ma ipet tiom, na kere be kakami ma leleyom ambai pini. Kokena imoto. Pa ni ikamam uraata ki Merere kembei ta nio i. ✧ ¹¹ Tana tomtom sa mata pasomi pepe. Mi sombe imanḡa mini pa pai, na ku'uuli. Naso ila raama leleene ambai, mi imiili ma imar. Pa nio ingi anzza i mi tonmatiziṅ kiti pakan.

¹² Mi tonmatiziṅ kiti Apolos na, nio anpombolmboli be ziṅan tonmatiziṅ kiti pakan tima ma tire yom. Tamen ni leleene be ima ta buri i som. Mi ko ire le mazwaana sa, to ima ire yom.

Sua pemetṅana

¹³ Motoyom izze, kemender mbolṅana, mi kikiskis urlaṅana tiom. Mi kaparaama ma tuṅ mi kombotmbot. ✧ ¹⁴ Mi mbulu tiom ta boozomen

✧ **16:9:** 2Kor 2:12; Kol 4:3; Tur 3:8 ✧ **16:10:** 1Kor 4:17

✧ **16:13:** Mbo 31:24; Ep 6:10; Pil 1:27; Kol 1:11; 1Tes 5:6

bela iswe kembei ku'urur leleyom pizin tomtom.

☆

¹⁵ Niom kuute: Setepanas ziŋan wal kini, ta tiwe mataana piom Akaia koyom ma tiurla. Mi zin tizem kat zitun pa Anutu wal kini potomŋan mi timbesmbeeze pizin. ☆ ¹⁶ Wal ta kembei, ziŋan wal boozomen ta tigabgaaba zin mi timbelmbel uraata pa Merere na, aŋso aŋpombol yom be kombot la kopon mbarman, mi kelenj la kalŋan. ☆

¹⁷ Indeeŋe Setepanas ma Portunatus mi Akaikus timar tipet tio na, tikam yo ma tau lelenj ambai kat. Pa tikam niom Korin ruŋguyom, mi timar ma tiuulu yo. ¹⁸ Tana zin tikam yo ma lelenj ambai, kembei ta tikam yom tomini ma leleyom ambai. Wal ta kembei na, kapakur zin.

¹⁹ Lupŋana ki Kriŋi ta timbot pa lele pakaana ki Asia ti na, tikam aigule kizin piom. Mi Akwila ma Prisila ziŋan wal ki Kriŋi ta tiluplup zin pa suŋŋana lela ruumu kizin na, zin tomini tikam aigule piom pa Merere zaana. ☆ ²⁰ Mi zin toŋmatiziŋ ki Kriŋi ta niamŋan ambotmbot i na, zin ta boozomen tikam aigule kizin piom tomini.

Niom ta boozomen toŋmatiziŋ ki Kriŋi. Tana leleyom ambai par piom mi kaparteege nomoyom.

☆

²¹ Ingi nio Paulus itunj ta aŋbeede sua tiŋgi. Aŋkam aigule tio piom. ☆

²² Sombe tomtom sa leleene pa Merere som, na Anutu kete malmalŋana kini ko imbotmbot se kini.

☆ **16:14:** 1Kor 14:1; 1Pe 4:8 ☆ **16:15:** 1Kor 1:16 ☆ **16:16:** Pil 2:29; 1Tes 5:12; 1Tim 5:17; Ibr 13:17 ☆ **16:19:** Ngo 18:2,18,26; Ro 16:3,5 ☆ **16:20:** Ro 16:16 ☆ **16:21:** Kol 4:18; 2Tes 3:17

O Merere, mar lak!

²³ Kampejana ki Merere Yesu ko ise tiom.

²⁴ Mi nio anso piom ta kembei: Itiŋan Yesu Kriŋi tulup ti ma tewe tamen kek, tana nio leleŋ piom ta boozomen.

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files dated 9 Oct 2020

a815c47a-4c36-5240-a396-70cbd5e9b593